

中國方志叢書·塞北地方·第十六號

據清·著光緒修間人名氏影印

綏遠省

# 土默特志

(全)

成文出版社印行



\*10094016\*

中華民國五十七年三月壹一版

# 土 默 特 志

全一冊

定價：新台幣二〇〇元正

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號  
電話：九二二〇一〇號

印刷者：正 大 印 製 廠

三 重 市 長 生 街 二 號 之 一

內政部登記證內版臺業字第一一四七號

有所權版

新  
華  
學  
社  
PDG

# 中國方志叢書導言

## 論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而言理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成爲經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事乖輓，職是之由。」這樣看來，我國累存的史料確是不少，可惜史學研究上還待重行檢討哩！

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利弊，遺存傳世的有史通一書，獨具評論性。另一位是章學誠（一七三八一—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綬珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我的經驗和直覺。(二)科學可以捉住相同的事物，正因為我能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。爲了適應時代需要，樹立清晰而有系統的概念，我們把選印本方志叢書的範疇，暫定爲鄉、縣、府、郡、行政區的地方史，及各種叙一物一事的專志等（如瀘水志、廬山志）。

明清以來，方志成爲地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況，提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓賓史上的李馬奔 (Limahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

(6)專從物產而言：乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棟曾利用方志研究中國的早熟稻種。

(7)元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。

(8)地方賦役的負擔，也可從方志比較輕重。

(9)往日的水陸交通、驛站距離，也可查知考證。

(10)鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。

(11)章學誠永清縣志對縣衙組織和差役的待遇，也是今日不易找到的資料。

(12)往昔教育制度的社學、義學、書院、學田、科舉應考生的旅費等，也可從方志查考。

(13)風俗、節日、寺院、壇觀、碑碣、古墓，在方志中均有豐富的記載可資考證。

(14)少數民族如苗、獠的風俗，方志記載也很可靠。

(15)歷任地方官的姓名、科舉名錄，更是考證上的極好資料。

從這些功用看來，方志確也含有一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

# 中國方志叢書已出版目錄

美金

新臺幣

第一號：廣東省	廣州府志	一百六十三卷	清·瑞麟戴肇辰等修史澄等纂 清光緒五年刊本	三册	三二·〇〇〇	一二八〇·〇〇〇
第二號：廣東省	韶州府志	四十卷	清·林述訓等修單興詩歐樾華等纂 清同治十三年刊本	全一	一〇·〇〇〇	四〇〇·〇〇〇
第三號：廣東省	惠州府志	四十六卷	清·劉澐年修鄧榆試等纂 清光緒七年刊本	全一	一〇·〇〇〇	四〇〇·〇〇〇
第四號：廣東省	順德縣志	二十五卷	民國十八年刊本	全	六·〇〇〇	二四〇·〇〇〇
第五號：廣東省	新會縣志	十四卷	清·林星章修黃培芳等纂 清道光二十一年刊本	全	七·〇〇〇	二八〇·〇〇〇
第六號：廣東省	開平縣志	四十六卷	民國二十二年鉛印本	全	七·〇〇〇	二八〇·〇〇〇
第七號：廣東省	恩平縣志	二十卷	清·石臺修馮師元等纂 清道光五年刊本	全	五·〇〇〇	二〇〇·〇〇〇
第八號：廣東省	三水縣志	十七卷	清·李友榕等修鄧雲龍等纂 清嘉慶二十四年刊本	全	六·〇〇〇	二四〇·〇〇〇
第九號：廣東省	興寧縣志	十二卷	清·仲振履原本張鶴齡等續纂 清咸豐六年修民國十八年鉛印本	全	五·〇〇〇	二〇〇·〇〇〇
第十號：廣東省	海豐縣志	二卷	清·于卜熊纂修 清乾隆十五年刊本	全	三·〇〇〇	一二〇·〇〇〇
第十一號：廣東省	陸豐縣志	十二卷	清·王之正修沈展才等纂 清乾隆十年刊本	全	六·〇〇〇	二四〇·〇〇〇
第十二號：廣東省	潮陽縣志	二十三卷	清周恒重修張其翺纂 清光緒十年刊本	全	七·〇〇〇	二八〇·〇〇〇
第十三號：福建省	閩侯縣志	一百零六卷	民國二十二年刊本	全	七·〇〇〇	二八〇·〇〇〇
第十四號：廣西省	鎮安府志	二十六卷	清·羊復禮修梁年等纂 清光緒十八年刊本	全	七·〇〇〇	二八〇·〇〇〇
第十五號：廣西省	臨桂縣志	二十二卷	清·蔡呈韶等修胡虔等纂 清嘉慶七年修光緒六年補刊本	全	八·〇〇〇	三二〇·〇〇〇

第十六號：廣西省	興安縣志	十七卷	清·李賓陽修趙扶友等纂 清同治十年刊本	全	五〇〇〇	二〇〇〇〇
第十七號：廣西省	龍勝廳志	不分卷	清·周誠之撰 清道光二十六年刊本	全	三〇〇〇	一二〇〇〇
第十八號：廣西省	平樂縣志	十卷	清·全文炳修伍嘉猷等纂 清光緒十年刊本	全	五〇〇〇	二〇〇〇〇
第十九號：廣西省	富川縣志	十二卷	清·顧國誥等修何日新劉樹賢等纂 清光緒十六年刊本	全	三〇〇〇	一二〇〇〇
第二十號：廣西省	賀縣志	十卷	民國二十三年鉛印本	全	七〇〇〇	二八〇〇〇
第二十一號：廣西省	昭平縣志	八卷	民國二十三年鉛印本	全	六〇〇〇	二四〇〇〇
第二十二號：廣西省	陸川縣志	二十五卷	民國十三年刊本	全	六〇〇〇	二四〇〇〇
第二十三號：廣西省	鬱林州志	二十一卷	清·馮德材等修文德馨等纂 清光緒二十年刊本	全	六〇〇〇	二四〇〇〇
第二十四號：廣西省	天河縣志	二卷	清·林光棟纂修 清道光六年修抄本	全	五〇〇〇	二〇〇〇〇
第二十五號：廣西省	百色廳志	九卷	清·陳如金修華本松纂 清光緒十七年刊本	全	三〇〇〇	一二〇〇〇
第二十六號：雲南省	雲南府志	二十六卷	清·范承勛張毓碧修謝儼纂 清康熙三十五年刊本	全	九〇〇〇	三六〇〇〇
第二十七號：雲南省	廣南府志	四卷	清·林則徐等修李希玲纂 清光緒三十一年重抄本	全	三〇〇〇	一二〇〇〇
第二十八號：雲南省	永昌府志	六十七卷	清·劉毓珂等纂修 清光緒十一年刊本	全	八〇〇〇	三二〇〇〇
第二十九號：雲南省	昆明縣志	十卷	清·戴綱孫纂 清光緒二十七年刊本	全	三〇〇〇	一二〇〇〇
第三十號：雲南省	宜良縣志	十卷	清·袁嘉穀修許實纂 民國十年刊本	全	五〇〇〇	二〇〇〇〇



第三十一號：雲南省	嵩明州志	四卷	清·薛渭川纂修 清光緒十五年修抄本	全	六〇〇	二四〇〇〇
第三十二號：雲南省	南寧縣志	十一卷	清·毛玉成修張翊辰等纂 清咸豐二年抄本	全	六〇〇	二四〇〇〇
第三十三號：雲南省	宣威州志	八卷	清·劉沛霖等修朱光鼎等纂 清道光三十四年修抄本	全	五〇〇	二〇〇〇〇
第三十四號：雲南省	宣威縣志稿	十二卷	民國二十三年鉛印本	全	一二〇〇	四八〇〇〇
第三十五號：雲南省	霑益州志	六卷	清·陳燕等修李景賢等纂 清光緒十一年抄本	全	六〇〇	二四〇〇〇
第三十六號：雲南省	昭通縣志	十二卷	民國十三年刊本	全	一二〇〇	四八〇〇〇
第三十七號：雲南省	昭通縣志稿	九卷	民國二十五年刊本	全	一〇〇〇	四〇〇〇〇
第三十八號：雲南省	路南縣志	十卷	民國六年抄本	全	五〇〇	二〇〇〇〇
第三十九號：雲南省	楚雄縣志	十二卷	清·崇謙等修 清宣統二年抄本	全	六〇〇	二四〇〇〇
第四十號：雲南省	蒙自縣志	六卷	清·李焜撰 清乾隆五十六年抄本	全	五〇〇	二〇〇〇〇
第四十一號：雲南省	騰越州志	十三卷	清·屠述濂纂修 清光緒二十三年重刊本	全	六〇〇	二四〇〇〇
第四十二號：雲南省	騰越廳志	二十一卷	清·陳宗海修趙端禮纂 清光緒十三年刊本	全	七〇〇	二八〇〇〇
第四十三號：雲南省	雲南縣志	十二卷	清·項聯普修黃炳璽纂 清光緒十六年刊本	全	五〇〇	二〇〇〇〇
第四十四號：雲南省	新平縣志	八卷	民國二十二年石印本	全	六〇〇	二四〇〇〇

第四十五號：雲南省	雲南備徵志	二十一卷	清·王崧纂 清宣統二年鉛印本	二册	二〇〇〇〇	八〇〇〇〇
第四十六號：廣東省	潮州府志	四十三卷	清·周碩勛纂修 清光緒十九年重刊本	二册	一八〇〇〇	七二〇〇〇
第四十七號：廣東省	瓊州府志	四十五卷	清·明誼修張岳松纂 清道光二十一年修 光緒十六年補刊本	二册	一六〇〇〇	六四〇〇〇
第四十八號：廣東省	番禺縣志	五十五卷	清·李福泰修史澄等纂 清同治十年刊本	全	一二〇〇〇	四八〇〇〇
第四十九號：廣東省	番禺縣續志	四十五卷	民國梁鼎芬等修丁仁長等纂 民國二十年刊本	全	八〇〇〇	三二〇〇〇
第五十號：廣東省	南海縣志	二十六卷	清·鄭夢玉等修梁紹獻等纂 清道光十五年修 同治十一年刊本	全	八〇〇〇	三二〇〇〇
第五十一號：廣東省	順德龍江鄉志	五卷	未著撰人名氏 民國十五年重刊本	全	八〇〇〇	三二〇〇〇
第五十二號：廣東省	東莞縣志	一〇三卷	民國葉覺邁修陳伯陶纂 民國十年鉛印本	五册	六〇〇〇〇	二四〇〇〇〇
第五十三號：廣東省	龍門縣志	二十一卷	民國招念茲修鄔慶時纂 民國二十五年鉛印本	全	九〇〇〇	三六〇〇〇
第五十四號：廣東省	清遠縣志	十七卷	清·李文烜修朱潤藝等纂 清光緒六年刊本	全	六〇〇〇	二四〇〇〇
第五十五號：廣東省	花縣志	四卷	清·王永名修黃文龍等纂 光緒十六年重刊本	全	一〇〇〇〇	四〇〇〇〇
第五十六號：廣東省	赤溪縣志	九卷	民國王大魯修賴際熙纂 民國九年刊本	全	五〇〇〇	二〇〇〇〇
第五十七號：廣東省	高要縣志	二十三卷	清·夏修恕屠英修何元等纂 清道光六年刊本	全	七〇〇〇	二八〇〇〇
第五十八號：廣東省	四會縣志	十三編	清·陳志喆等修吳大猷纂 民國十四年刊本	全	九〇〇〇	三六〇〇〇
第五十九號：廣東省	曲江縣志	十六卷	清·張希京修歐樾華等纂 清光緒元年刊本	全	六〇〇〇	二四〇〇〇

第六十號：廣東省	直隸南雄州志	三十五卷	清·余保純等修黃其勤纂 清道光四年刊本	全	九〇〇	三六〇〇〇
第六十一號：廣東省	樂昌縣志	十三卷	清·徐寶符等修李禮等纂 清同治十年刊本	全	七〇〇	二八〇〇〇
第六十二號：廣東省	澄海縣志	二十七卷	清·李書吉等修蔡繼紳等纂 清嘉慶二十年刊本	全	七〇〇	二八〇〇〇
第六十三號：廣東省	歸善縣志	十九卷	清·章壽彭等修陸飛纂 清乾隆四十八年刊本	全	六〇〇	二四〇〇〇
第六十四號：廣東省	海陽縣志	四十七卷	清·盧蔚猷修吳道鎔纂 清光緒二十六年刊本	全	八〇〇	三二〇〇〇
第六十五號：廣東省	茂名縣志	九卷	清·鄭業崇等修楊頤纂 清光緒十四年刊本	全	七〇〇	二八〇〇〇
第六十六號：廣東省	吳川縣志	十卷	清·毛昌善修陳蘭彬纂 清光緒十四年刊本	全	七〇〇	二八〇〇〇
第六十七號：廣東省	感恩縣志	二十一卷	民國周文海修盧宗棠等纂 民國二十年鉛印本	全	九〇〇	三六〇〇〇
第六十八號：廣東省	高州府志	五十六卷	清·楊霽修陳蘭彬等纂 清光緒十五年刊本	全	一一〇〇	四八〇〇〇
第六十九號：廣西省	貴縣志	十八卷	民國歐卿義修梁崇鼎等纂 民國二十三年鉛印本	二冊	一八〇〇	七二〇〇〇
第七十號：廣西省	廣西通志輯要	十八卷	清·沈秉成修蘇宗經羊復禮纂 清光緒十五年刊本	全	一〇〇〇	四〇〇〇〇
第七十一號：福建省	閩都記	三十二卷	明·王應山纂輯 明萬曆修清道光十年重刊本	全	六〇〇	二四〇〇〇
第七十二號：福建省	福州府志	七十七卷	清·徐景燾修魯曾煜等纂 清乾隆十九年刊本	二冊	二〇〇〇	八〇〇〇〇
第七十三號：福建省	邵武府志	三十一卷	清·王琛等修張景祁等纂 清光緒二十六年刊本	全	一二〇〇	四八〇〇〇
第七十四號：福建省	福寧府志	四十五卷	清·朱珪修李拔纂 清乾隆二十七年修 光緒六年重刊本	全	一〇〇〇	四〇〇〇〇

第七十五號：福建省 汀州府志 四十六卷

清·曾月瑛等修李紱等纂  
清乾隆十七年修  
同治六年刊本

全 一〇〇〇 四〇〇〇〇

第七十六號：福建省 連江縣志 三十六卷

民國曹剛等修邱景雍纂  
民國十六年鉛印本

全 七〇〇 二八〇〇〇

第七十七號：福建省 永泰縣志 十二卷

民國董秉清等修王紹沂纂  
民國十一年鉛印本

全 六〇〇 二四〇〇〇

第七十八號：福建省 福安縣志 三十九卷

清張景祁等纂修  
清光緒十年刊本

全 八〇〇 三二〇〇〇

第七十九號：福建省 平潭縣志 三十四卷

民國黃履思纂修  
民國十二年鉛印本

全 六〇〇 二四〇〇〇

第八十號：福建省 廈門志 十六卷

清·周凱修凌翰等纂  
清道光十九年刊本

全 七〇〇 二八〇〇〇

第八十一號：福建省 莆田縣志 三十七卷

清·廖必琦官兆麟等修  
宋若霖等纂  
清乾隆二十三年修  
光緒五年潘文鳳補刊本

全 一〇〇〇 四〇〇〇〇

第八十二號：福建省 晉江縣志 十七卷

清·方鼎等修朱升元等纂  
清乾隆三十年刊本

全 八〇〇 三二〇〇〇

第八十三號：福建省 同安縣志 四十三卷

民國林學增等修吳錫璜纂  
民國十八年鉛印本

二冊 二〇〇〇 八〇〇〇〇

第八十四號：福建省 永福縣志 十卷

清·陳炎等修俞荔等纂  
清乾隆十四年刊本

全 九〇〇 三六〇〇〇

第八十五號：福建省 龍巖州志 二十一卷

清·彭衍堂修陳文衡纂  
清道光十五年修  
光緒十六年重刊本

全 八〇〇 三二〇〇〇

第八十六號：福建省 龍巖縣志 三十八卷

民國馬蘇鳴修杜翰生等纂  
民國九年鉛印本

全 七〇〇 二八〇〇〇

第八十七號：福建省 長汀縣志 三十五卷

清·劉國光謝昌霖等纂修  
清光緒五年刊本

全 八〇〇 三二〇〇〇

第八十八號：福建省 寧化縣志 七卷

清·李世熊撰  
清康熙二十三年刊本  
清同治八年重刊本

全 七〇〇 二八〇〇〇

第八十九號：福建省 雲霄廳志 二十一卷

清·薛凝度修吳文林纂  
清嘉慶二十一年修  
民國二十四年鉛字重印本

全 一二〇〇 四八〇〇〇

第九十號：福建省 龍溪縣志 二十六卷

第九十一號：福建省 平和縣志 十三卷

第九十二號：福建省 海澄縣志 二十五卷

第九十三號：福建省 漳平縣志 十一卷

第九十四號：福建省 甌寧縣志 十三卷

第九十五號：福建省 建甌縣志 三十八卷

第九十六號：福建省 浦城縣志 四十三卷

第九十七號：福建省 政和縣志 三十七卷

第九十八號：福建省 馬巷廳志 二十一卷

第九十九號：福建省 延平府志 四十七卷

第一〇〇號：福建省 吉田縣志 八卷

第一〇一號：福建省 閩清縣志 九卷

第一〇二號：福建省 霞浦縣志 四十一卷

第一〇三號：福建省 寧洋縣志 十三卷

第一〇四號：福建省 建寧縣志 三十卷

清·吳宜燮修黃惠李田壽纂  
清乾隆廿七年修光緒五年補刊本  
全 八〇〇 三二〇〇〇

清·李鑑王柏等修昌天錦等纂  
光緒十五年重刊本  
全 六〇〇 二四〇〇〇

清·陳瑛等修鄧廷祚等纂  
清乾隆二十七年刊本  
全 七〇〇 二八〇〇〇

清·蔡世鉞修林得震纂  
清道光十年修民國廿四年重印本  
全 八〇〇 三二〇〇〇

清·鄧其文纂修  
清康熙三十三年刊本  
全 七〇〇 二八〇〇〇

民國詹宣猷等修蔡振堅等纂  
民國十八年鉛印本  
全 八〇〇 三二〇〇〇

清·翁天祐修翁昭泰纂  
清光緒二十六年刊本  
全 一〇〇〇 四八〇〇〇

民國李熙纂修  
民國八年鉛印本  
全 七〇〇 二八〇〇〇

清·萬友正纂修  
清乾隆四十二年修  
光緒十九年補刊本  
全 八〇〇 三二〇〇〇

清·傅爾泰修陶元藻等纂  
清乾隆卅年修同治十二年重刊本  
全 一〇〇〇 四八〇〇〇

清章竟可修林咸吉等纂  
清乾隆十六年刊本  
全 六〇〇 二四〇〇〇

民國楊宗彩修劉訓熾纂  
民國十年鉛印本  
全 六〇〇 二四〇〇〇

民國羅汝澤等修徐友梧纂  
民國十八年鉛印本  
全 七〇〇 二八〇〇〇

清·董驥修陳天樞等纂  
清光緒元年刊本  
全 八〇〇 三二〇〇〇

民國吳海清修張書蘭纂  
民國八年鉛印本  
全 七〇〇 二八〇〇〇

宋朝史料

太平治蹟統類 三十卷

宋本皇朝編年備要 三十卷

遼文粹 三十卷

遼文續存 三十卷

九金人集 三十卷

金文雅 三十卷

金文最 三十卷

美金

台幣

明朝史料

皇明經世實用編 二十八卷

皇明詔令 二十一卷

皇明冰化類編續編 二十一卷

經濟類編 二十一卷

清朝史料

欽定工部則例 一二〇卷

欽定禮部則例 二〇二卷

欽定吏部則例 五十二卷

清議報 一〇〇期

海國圖志 六十卷

宋·彭百川撰 三册

宋·陳均撰 二册

清·玉仁俊輯 全

清·繆荃孫輯 全

清·羅福頤輯 全

清·吳重熹輯 全

清·莊仲方輯 全

清·張金吾輯 全

沖皮精裝三册

明·馮應京編纂 五册

明·傅鳳翔編纂 四册

明·嘉靖版本 全

明·鄧球 全

明·馮琦編纂 二十册

清·光緒版本 一册

清·道光版本 二册

清·光緒版本 一册

清·梁啓超編 一册

清·魏源編纂 七册

精十二巨册

一〇〇〇〇

一〇〇〇〇

二〇〇〇〇

二〇〇〇〇

二〇〇〇〇

二〇〇〇〇

七〇〇〇〇

二五〇〇〇

二〇〇〇〇

六〇〇〇〇

一〇〇〇〇〇

一一〇〇〇

一九〇〇〇

一〇〇〇〇

六〇〇〇〇

三五〇〇〇

四〇〇〇〇

四〇〇〇〇

八〇〇〇〇

一〇〇〇〇

一〇〇〇〇

一〇〇〇〇

三〇〇〇〇

一〇〇〇〇〇

八〇〇〇〇

二四〇〇〇

四〇〇〇〇

四四〇〇〇

七六〇〇〇

四〇〇〇〇

二〇〇〇〇

一四〇〇〇

土默特旗志卷一

總目

凡例

輿地

疆界圖考

疆界圖

沿革

冠以表

城池

山川

以上卷二

封建

源流

卷二

勳績爵賞附

世系

卷三

三表附

法守

年班

升轉

城垣

衙署

官吏

國書

學制

學校試法附

學堂

武備

差役

台站

要隘

倉庫

戶口

以上卷四

賦稅

卷五 輸田附

祀典

卷六 召廟附

理藩則例

卷七

風土



食貨

風俗 以上卷八

職官

職官考

職官表 以上卷九

人物

忠節

義行

烈婦

節婦 以上卷十



土默特志凡例

一星度分野氣候之類及疆域城邑之詳皆與綏遠歸綏志同茲不複錄

一土默特奄有五廳地所治在我所主在彼以全圖予之溯懷柔也首紀一統志揭建置沿革城池山川之略昭大統也其未及者概與歸綏同亦以統之

一封爵之初以王公表傳爲經以蒙古源流藩部要略游牧記爲緯知斯旗之先固大有人在也

一土默特之傳上溯十數世下暨八九世序以宣之表以綜之繩爾祖武卽沐我

皇仁念之哉

一土政析爲十數端略仿武功志之例蟬聯爲篇又考  
理藩院則例專屬乃旗者以總之監 成憲也

一年班蒙所獨宜紀也廟祀官署何以惟土有之重荆  
也以見諸廳之弗備也

一學制後補試法靖士氣也禮典冠 文廟崇正祀也  
後附以招著羈縻之道也紀輪田勸忠愛也紀食貨  
風俗開道化也蒙之人其勉旃

一蒙語非漢人所易解茲編如城池山川卡倫等數數  
見之故別爲譯文一卷又輯蒙言襍志一卷依類以

求可也無煩復贅

一職員各列爲表綴見在名銜猶綏志之義也繫要職重所守也列世職存其緒也

一人物亦列四端先忠節勸從王也次義行勸從善也貞烈與節孝並著彰倫紀著從一之道也

一土俗非無孝義節烈之人文士鮮而不知訪輯故耳茲力諷之乃由參領等錄送數人亟登之以爲倡

一籌蒙疏牘綏遠將軍所以宣布

聖德一視民蒙者也其事略具於此其文入綏遠志中懼復也諭蒙不以文也

二黑牛一六

名一

一

土默特全境圖考

上默特左右兩翼地廣四百五十里袤四百三十五里周

徑千餘里東至察哈爾藍旗又云舌爾登南至邊牆西至

烏拉特東公旗又曰察汗鄂博北至達爾汗貝勒旗又曰托斯固鄂博東

南至殺虎口西南至鄂爾多斯準格爾達拉特兩旗又曰托托

城西北至茂明安並沙爾沁河岸東北至四子部落旗所

謂四至八到也推之遠脈則大青山由正西烏拉特旗入

本旗包頭鎮境蜿蜒分支關脈斜向東北四百餘里分入

察哈爾鑲藍旗並四子旗部落境諸嶺聯絡由城東北向

南至土默特境黃河由西界烏拉特旗界內蘇吉等村曲

入行徑和林格爾境斜向東南流至清水河廳西南出邊  
墻入偏關縣界紅河亦名渾河由殺虎口入境向北而盪向正  
西由清河廳西南又河口地方入黃河大黑河卽依克圖  
根四子部落並察哈爾旗入境流至托克托城廳西入黃  
河小黑河由哈拉沁溝流出向西至渾津西入大黑河清  
水河由大水口入境向西入黃河什拉烏素河由西溝門  
發源向西流入黑河哈達木力河由山後發源流出山前  
入黃河皆經土默特界限之內故非包數旗貫數廳盡諸  
名山大川不足見一界之全茲得其所藏圖與志略中之  
圖合叅之縮爲此幅以見




中朝幅員之闊當年之頒賜外藩而無少愆者乃如此其  
圖中所指另有記茲不盡書


二  
五  
午  
元

夕  
一  
一

一  
一

土默特旗疆界圖





歸化城土默特旗沿革表

兩漢	定襄雲中 二郡地後 漢屬雲中 郡	五代	遼	後唐時入 豐州天德	遼	遼	軍	屬西京道
三國		金	豐州天德	豐州天德	軍	軍	屬西京路	屬西京路
北魏	雲州 後魏初建 都于此號 盛樂城後 置州領盛 樂雲中等 郡	元	豐州天德	豐州天德	軍	軍	屬大同路	屬大同路
隋	定襄郡	明	宣德初築 玉林雲中 等城設兵 戍守後為 蒙古所據 嘉靖間諱	宣德初築 玉林雲中 等城設兵 戍守後為 蒙古所據 嘉靖間諱				
唐	單于大都 護府							

日	王	封	特	為	達
歸	名	為	隆	西	居
化	其	順	慶	土	此
	城	義	問	默	是

土默特旗志卷一下

大清一統志載建置沿革山川考

歸化城土默特在台二旗東北百十里在喜峯口北二百里東西距四百零三里南北距三百七十里東至四子部落界一百三十八里西至鄂爾多斯左翼前旗界二百九十五里南至山西邊城界二百十里北至喀爾喀右翼界一百六十里東南至鑲藍旗察哈爾界西南南至鄂爾多斯左翼前旗界一百八十里東北至四子部落界一百十里西北至毛明安界一百七十里至京師一千一百六十里

建置沿革

漢定襄雲中二郡地後漢屬雲中郡後魏初建都於此號盛樂城後置雲州領盛樂雲中等郡隋復置定襄郡唐置單于大都護府五代後唐時入遼置豐州天德軍屬西京

道金因之元屬大同路明宣德初築玉林雲川等城設兵

戍守後為蒙古所據嘉靖間諳達築城於豐州攤採木架

屋以居謂之拜牲

拜牲漢言屋也舊作板升今改正

諳達舊作俺答拜牲一統志註下同

是為西土默特隆慶間封諳達為順義王名其城曰歸化

諸達察哈爾小王子近支也初瑪古里海弒小王子西北

支子為迪延可汗仍服屬於察哈爾迪延死傳其次子賽

音納蘭部眾侵強有子七人長吉納駐牧河套即鄂爾多

斯次曰諳達點多智駐牧開元上都迫附宣大自稱都哩

木可汗旋為察克爾汗所逐乃移駐豐州灘嘉靖十九年

分道入寇越大同度雁門入寧武嵐靜等處殺人畜萬計

二十年復入太原屠石州二十一年糾諸酋入掠太原破

州縣三十八衛十殺二十餘萬人二十九年入古北口簿

京師掠郊關近郭意欲滿始去開拓疆土南至大同山西

邊北至永邵卜東至喀喇沁西至鄂爾多斯有眾四十萬

富甲於諸境把罕黨濟者諳達第三子鐵背台吉子也幼



失父諳達妻實鞠之爲娶爲新部女曰大成妣姬龜濟又  
自聘呼圖克沙律女未及婚會諳達戚家女已聘鄂爾多  
斯矣諳達自娶之號曰三娘子鄂爾多斯怒起兵相攻諳  
達懼奪龜濟所聘女與之龜濟恚恨扣敗胡堡來降詔授  
指揮使是時諳達老傷孫突南走計中國恚其數入邊必  
甘心焉及欵塞聞無恙乃大喜使使來定約稱臣貢方物  
開市已詔龜濟歸諳達迎之河上使使入謝隆慶五年詔  
封諳達爲順義王套酋吉納子濟農等皆爲諳達姪婁巴  
圖昆都楞汗諳達親弟而烏斯巴延永協布多羅圖們等  
皆其支庶諳達於諸部爲尊行力能合之凡六十五人各  
授都督指揮千百戶等官有差每年貢馬開市凡十一處  
在大同者三日得勝口日新平日守口在宣府者一日張  
家口在山西者一日水泉營在延綏者一日紅山寺堡在  
甯夏者三日清水營日中衛日平魯衛在甘肅者二日紅  
水偏頭口日萬溝塞萬歷九年諳達死子鴻台吉襲王十  
三年鴻台吉死子格根襲王三十二年格根死其長子和  
克圖台吉已先故孫博額克圖應嗣而三娘子所生布特  
達實哩之子索特納木者狡黠多智欲襲封摩明安者格  
根次子亦欲襲王部落無定主明年正月喀爾喀五路台  
吉者鴻台吉之次子糾集七十三部落聚豐川灘與索特

納木為難至九月博碩克圖始遣使噶爾台巴圖爾濟噶  
 等請封三十四年始受封如故事其後五六年間部落自  
 相仇殺盜賊並興水草枯落遂至衰弱察哈爾復侵擾之  
 及其子額默布濟吉爾嗣立國遂破滅○瑪古里海舊作  
 毛里孩們都爾舊作滿魯都嘉勒斯賚舊作加思蘭迪延  
 舊作夕顏賚音納蘭舊作賽音那蘭吉納舊作吉囊都哩  
 木舊作都隆把罕鼈濟舊作把漢那吉烏新舊作兀慎飛  
 濟舊作那吉呼圖克沙律舊作把胡免擒金濟農舊作吉能  
 斐巴圖昆都楞汗舊作老把都昆都力汗烏新巴延舊作  
 兀慎擺腰永協布舊作永邵卜圖們舊作土蠻鴻台吉舊  
 作黃台吉仰克圖舊作晃免布特達實理舊作不他失禮  
 索特納木舊作瑣諾木摩明安舊作毛明安噶爾台巴圖  
 爾濟噶爾舊作敢拾把都兒計虎額默布濟吉爾舊作俄木  
 布楚虎爾今俱改正

本朝天聰六年

八宗文皇帝親征察哈爾駐蹕歸化城土默特部落悉降九  
 年大軍滅察哈爾命貝勒岳脫駐守歸化城格根汗之孫

俄木布乳母之夫曰茂罕潛與阿薄貽爾喀通僞稱俄木布爲西土根汗謀叛事覺誅茂罕執俄木布以還崇德元年其酋古祿格毛圖來朝命偕俄木布返并還其世所守順義王印編爲二旗以古祿格爲左翼都統杭高爲右翼都統設佐領協領等員並駐城中康熙三十五年

聖祖仁皇帝自白塔駐蹕於此其官制並同內地雍正元年增設同知等官乾隆四年於歸化城之東北築綏遠城移鎮守將軍駐劄城中二十八年以兩翼旗都統事務改歸將軍管轄二十九年分設清水河薩拉齊和林格爾托克托城通判與歸化綏遠二同知共屬歸綏道以屬于山西

省其土默特編分旗地如故又有輔國公一乾隆二十一年封貢道由殺虎口 茂罕舊作毛罕今改正

城池

歸化城 在殺虎口北二百里明代所築蒙古名庫庫河屯 三門諸達歸順改稱今名

綏遠城 在歸化城詳綏遠志中

托克托城 舊城在黃河東岸歸化城之西一百四十里即湖灘河朔

山川

陰山 在城北三十五里即翁公山西自河套之北起烏刺 餘里其間土名不一如白雲哲持虎太白拜洪戈爾牛心 諸山以至蟠羊山五達蘇爾哲哈朗烏諸谷皆陰山支體

崔巍屏踞勢最高峻

黃河在城西南一百六十里自烏喇武境東南流入又折而南黑河水自東來注之又西南流入山西偏頭關界凡境內之水入黑河者有納札海河安達河朱喇馬台河德布色黑河哲爾德河巴漢土爾根河西喇烏素河呼克圖河哈爾見河黑勒庫河凡匯十餘水由沙陵河以入于黃河其入紫河者有察漢音圖河努銜格爾河免毛河並彙流入于黃河按西土默特駐歸化城其牧地東西四百里南北三百七十里自雍正間設立同知乾隆四年集綏遠城增設同知通判列為六廳以屬于山西省其版籍遂同內地故部內所有山川古蹟祠廟物產皆與六廳卷相同茲類敘山川之大者以存其概餘並見六廳卷內不復具列



土默特旗志卷二

源流 勳績爵賞附

刺麻札布土默特人姓博爾吉古特元太祖十六世孫阿爾坦裔阿爾坦號格根汗初由河套徙豐州灘築城架屋居之曰拜姓明史訛爲板升者也與明通好封順義王以歸化名所居城至今仍之阿爾坦九子長僧格號杜稜汗子格爾圖以避察哈爾東徙隣哈喇沁爲土默特東路卽今駐牧巴顏和碩之土默特右翼札薩克其居西路者自格根汗凡四傳至博碩克圖汗仍居歸化城察哈爾強役屬博碩克圖汗不從借喀喇沁部布顏台吉等敗察哈爾

兵四萬於土默特之趙城又敗其赴張家口請明賞兵三千與察哈爾林丹汗交惡博碩克圖汗卒林丹汗襲有其衆我

朝天聰六年大軍征察哈爾以林丹汗西奔唐古特移師趨歸化城博碩克圖汗子俄木布及其部頭目古祿格杭高託博克等率衆降

詔安堵如故八年以林丹汗竄死大草灘

遣使取道歸化城往諭唐古特

命其所部人護送之九年睿親王多爾袞帥師收林丹汗子額哲於黃河西託里圖地貝勒岳託留駐歸化城部人告



罕言俄木布乳母之夫毛罕潛通明沙河堡守將以歸化  
城叛僞稱俄木布爲西土格根汗且導明使約喀爾喀兵  
爲外應貝勒岳託遣謀往喀爾喀兵在途追襲之無脫者  
執俄木布以歸

諭古祿格抗高託博克分守歸化城轄土默特部衆崇德元  
年

詔編所屬三千三百餘丁爲二旗以古祿格爲左翼都統抗  
高爲右翼都統領之並世襲託博克尋代抗高子巴桑掌  
右翼嗣是博碩克圖汗裔分隸左右翼稱台吉刺麻札布  
祖素爾巴勒濟圖父達木巴世居歸化城隸左翼乾隆二

十年

詔徵歸化城土默特兵千隨北路大軍剿達瓦齊於伊犁刺麻札布獻馬三百匹敘功授一等台吉

乾清門行走二十一年

命隨承恩公明瑞赴巴里坤徙厄魯特達什達瓦部衆於阿勒台并以其女妻和託輝特郡王青衮咱卜會青衮咱卜  
叛

詔隨左副將軍喀爾喀親王成衮札布由烏里雅蘇台進剿偵青衮咱卜欲逃往俄羅斯復隨叅贊大臣納穆札爾等輕騎尾之抵抗哈將噶斯青衮咱卜就擒捷聞

詔增設土默特一旗封刺麻札布爲輔國公授札薩克隸烏  
蘭察布盟

勅曰朕仰荷天庥撫綏區宇中外臣工凡有效力宣猷勞績  
茂著者罔弗優封爵秩用獎忠勤爾土默特一等台吉刺  
麻札布追擒叛逃奮勇有功朕甚嘉之爾其副朕豢養之  
隆恩歸撫爾旗人衆恪守典常靖共爾職勿蹈愆尤敗乃  
成業國育常刑最哉無斃二十五年以不入  
覲及違例妄行罪議削爵

論曰刺麻札布自優封公爵以來不思感激朕恩奉公守法  
乃日耽逸樂恣意妄爲本應照議削爵但念公爵究係從

前勤勞所得著加恩免削其札薩克及乾清門行走之處  
併革退飭令回旗效力三十一年刺麻札布卒次子索諾  
木旺札勤襲四十九年

詔世襲罔替古祿格者土默特人姓納喇其先本姓土默特  
因滅扈倫國之納喇部遂以爲姓世居葉赫部葉赫部亡  
依土默特博碩克圖汗於歸化城號楚琥爾博碩克圖汗  
卒察哈爾林丹汗攻滅土默特役屬之天聰六年大軍征  
察哈爾古祿格偵林丹汗由歸化城西遁懼掠匿山砦乃  
免旋請內附九年來朝

優賚之崇德元年授左翼都統與右翼都統抗高並駐守歸

化城三年春以喀爾喀札薩克圖汗擁衆逼歸化城馳疏  
聞

上統大軍征之札薩克圖汗遁師旋

諭古祿格及抗高曰爾等所守城小濠狹勢難禦敵宜於城  
外建築層垣以資捍衛垣如城高一丈五尺闊稱之俾可  
屯兵其上垣四面置四門門各置甕城四隅各建望樓垣  
外環以深濠工竣之日內城外垣嚴加防守敵自不敢窺  
伺爾等其善爲之夏率叅領韜瑚等九十六人來朝 遣  
官迎宴

詔授一等男爵賜弓矢冠服冬遣烏巴什等貢朝珠文綺四

年獻所獲明歲給幣五年授其子烏克蘇穆佐領職協守歸化城六年正月古祿格遣第巴圖等貢駝馬三月復遣納穆習禮等解送來降蒙古

獎賜白金有差順治元年遣使獻方物

賜雕鞍弓矢皮幣二年晉爵三等子

特頒珠頂貂帽朝衣玉帶甲冑弓矢等物以殊異之六年睿親王多爾袞征喀爾喀古祿格以兵來會偵喀爾喀遁乃歸康熙五年卒長子烏巴什泰襲三等子召赴京隸蒙古正白旗四子錫喇布留歸化城襲都統九年卒子古睦德襲二十二年內大臣奇塔特等奉使厄魯特察獲所掠歸

化城人巴朗歸之古睦德二十五年古睦德來朝以厄魯特巴圖爾額爾克濟農和羅哩携衆降附將由歸化城入覲

命速歸護降衆未幾以廢職罷都統

召赴京授佐領隸蒙古正白旗以其叔父阿喇納襲爾喇納者古祿格之第五子也由佐領襲都統二十七年偕副都統阿迪等選兵偵禦噶爾丹三十年

命護視附近歸化城遊牧之喀爾喀衆無致失所三十五年偕阿迪等隨大將軍費揚古擊噶爾丹於昭莫多師還運礮七十九置歸化城三十六年正月助軍駝三月

駕由歸化城視師甯夏以土默特士衆委靡弓馬不嫻皆由  
左翼都統阿喇納及右翼都統阿弼達等軍律廢弛所致  
詔削職停右翼都統世襲改用京員以阿喇納兄子古睦德  
重襲左翼都統四十三年卒子丹津襲先是烏巴什泰襲  
三等子卒阿玉什襲阿玉什卒子多爾濟襲五十九年多  
爾濟以罪革三等子

命丹津兼襲雍正元年疏請建文廟於歸化城左右翼各設  
滿 教官一歸化城增設理事同知一  
允之復以訓所部弁兵嫻弓馬

諭右翼都統如世襲舊制以阿弼達子根敦補授其副都統



職聽丹津察舉九年大軍議剿噶爾丹策凌命丹津與副都統五十六酌辦歸化城駐兵事宜尋因移駐洪果爾鄂隆

詔察給兵騎十二年以烏喇特部被災損牧畜遵

旨察閱戶口發歸化城帑賑之十三年九月奏歸化城每年解額爾德尼招糧米四萬八百石向用內札薩克等牛車及喀爾喀官駝請自來年始募商駝挽運停喀爾喀官駝令善牧備軍用又應運米向由山西巡撫撥解道行不無竭蹶請以商人所納倉米十萬石就近解送庶經費可省動用亦便

二黑牛元  
卷二  
上從其請十二月

命大臣赴歸化城視形勝地築城屯田以丹津及根敦協理之乾隆元年設馬廠於歸化城北

詔丹津董牧務二年卒先是丹津子達奈居京由世襲佐領歷官散秩大臣卒無子以丹津族子札什泰襲佐領至是丹津妻請卽以札什泰爲丹津嗣

詔停襲左翼都統仍襲三等子兼授三等侍衛二十四年

諭曰左翼古祿格所遺都統職前因丹津無嗣停襲著加思照右翼例改授三等男爵令三等子札什泰兼襲三十年卒子福保襲三等子兼三等男其掌右翼之託博克姓巴

拉格特一作博濟世居歸化城隸土默特博碩克圖汗部

濟吉特

因察哈爾林丹汗滅土默特遂為所屬天聰六年大軍征  
察哈爾託博克偵林丹汗西遁籲請內附九年來朝優賚  
之崇德元年授三等叅領隸右翼與都統抗高協守歸化  
城三年率子五驕來朝授一等輕車都尉世襲五驕以佐  
領授騎都尉五年

詔晉託博克一等叅領賚弓矢冠服諸物六年賜貢使圖們  
博奇等宴及甲冑冠服順治元年獻駝馬貂皮三年隨豫  
親王多鐸擊喀爾喀土謝圖汗及車臣汗兵於札濟布喇  
克四年敘功

簡授右翼都統時抗高子巴桑以軍務獲罪削職以託博克  
代六年復隨英親王阿濟格討叛鎮姜瓖於大同數報捷  
康熙九年卒

賜諡果壯長子瓦駟以騎都尉兼襲一等輕車都尉

加恩予三等男爵卒弟古嚕襲都統職十三年

詔選兵入邊會剿陝西叛鎮王輔臣十四年正月偕副都統  
席第等率土默特兵七百至榆林聽調

諭獎其赴命之速三月由榆林迎提督陳福軍於興武營會  
鄂爾多斯部貝勒索諾木亦帥兵至五月合圍花馬池叛  
賊朱龍糾衆來援大軍迎擊之朱龍遁城守賊出降花馬

池平六月隨大軍復磚井安邊諸砦七月進圍定邊撫定  
下馬關師還駐榆林八月由西安授剿固原十五年正月  
甯夏兵變

詔古嚕等防禦靈州定邊等處旋請屯黃河岸扼寇衝 允  
之三月敗賊衆於靈州六月關隴平敘軍功以兄瓦駟已  
卒兼襲三等男二十年卒子拉察布襲二十一年拉察布  
卒以其子什第襲三等男以其叔父烏巴什襲都統什  
碩第卒子達什色梭襲達什色梭卒子納木札布襲納木  
札布卒子甘保襲烏巴什者託博克第三子康熙二十一  
年由佐領襲都統二十八年備兵防哈爾丹二十九年運

殺虎口倉米濟都統額赫納軍三十五年副都統多爾濟等隨西路大將軍費揚古進擊噶爾丹

命安郡王瑪爾渾統土默特兵防歸化城噶爾丹既敗遁瑪爾渾移駐愛畢哈錫喇穆棱界留兵所部以烏巴什子副都統阿彌達領之是年烏巴什卒 彌達以副都統襲都統三十六年以不事訓練罪削 襲改用京員札喇克圖俄赫楚忠相繼代任雍正元

諭曰歸化城土默特兩旗原在四

札薩克內其都統副

都統等官皆係本部初附功臣子孫世職前因廢弛軍務革退都統另選京員管轄今舊習漸改訓練兵弁行伍整

齊凡行圍出征等事與內地弁兵一體効力不負

聖祖仁皇帝教育生成之意宜復舊制以阿弼達之子副都統根敦襲補右翼都統其副都統缺仍令丹津將兩旗內應補人員與原任都統副都統世家子孫內保送擢用欽此根敦係阿弼達長子初授副都統康熙五十九年授叅贊大臣隨振武將軍傅爾丹由阿勒台進剿策安阿喇布坦至格爾額爾擒宰桑貝坤等百餘人復焚其糧於烏闌呼濟爾

上優賚之雍正元年襲都統職二年

詔率滿洲兵二千赴巴里坤防禦青海叛賊羅卜藏丹津尋

分兵千駐土魯番師旋入覲

賜孔雀翎及

御書福字白金等物九年三月大軍議剿噶爾丹策凌根敦  
帥土默特兵千赴涼州聽調七月會西路軍於巴里坤偵  
噶爾丹策凌遣兵由伊犁犯北路軍於和通呼爾哈諾爾  
根敦隨西路大將軍岳鍾琪爲搗巢計襲擊烏魯木齊大  
敗之追至額爾穆克河而還

十月

上諭以土默特將弁兵丁連歲從征甚屬勤勞已命頒帑賞  
資至都統根敦向在阿勒台軍營効力十有餘年今復至



巴里坤楙著勞績朕甚嘉之特賞御用冠服及銀二百兩以示獎勵十年隨副將軍常賚等帥兵三千餘赴哈密援剿十三年撤兵由塔勒納沁入嘉峪關還軍歸化城是年詔偕丹津協理屯田事乾隆元年敘功

賚幣四年入朝七年卒子達班爾什襲入覲

賜孔雀翎隨扈五臺山以校射獲優賚十九年卒

詔停襲右翼都統改三等男以子賽音弼里克圖襲二十年諭曰歸化城右翼都統原係

國初土默特抗高所遺世職後改授託博克嗣因子孫不勝其任由京員補授四次復念有可用之人是以令根敦

及子班達爾什襲授是職朕思都統有整飭軍伍之責非閒散世職可比班達爾什之子賽音彌里克圖係前鋒職今若驟膺都統不惟恐弗勝任且旗內台吉大員甚多亦恐未必服其調度著將班達爾什所遺都統職另簡京員補授其本支內加恩改授三等男爵令賽音彌里克圖襲欽此是年入覲授左翼副都統二十五年以病罷二十六年卒無嗣以從弟賽音岳蘇圖襲三等男爵至乾隆二十六年裁歸化城都統一人二十八年復裁一人以土默特歸駐劄綏遠城之建威將軍兼管仍設副都統二人一駐歸化城一駐綏遠城協同將軍管理

按土默特三傳乃

欽定蒙古王公表傳原文傳成於乾隆中年以後承襲世次  
尙俟確查補入傳中所記

太宗文皇帝征察哈爾年月與魏氏記異其左翼右翼亦第  
分古祿格與託博克等所統兩旗而言與魏氏記左  
翼爲濟拉瑪裔右翼爲元裔者亦異彼兩翼在歸化  
城土默特外此兩翼則專指土默特之在歸化城者  
也各世職距城頗遠其家藏譜牒亦未肯輕以示人  
僅識其受封之始如此

右張略所識以記受封之始此後古祿特一派只

襲子男二爵歸入京旗其在土默旗者在左翼三甲轄下其託博克一派自烏巴什後又襲七次日察勒布烏巴什子也傳阿達及根棟及板達拉什及阿爾賓及瓦瓦及舒明皆嫡傳至舒明則第

賞給驍騎校當差候陞右翼都統亦裁由是特簡京員及綏遠協領各員爲副都統管理土默特兩翼駐紮於茲詳綏志中今於歸綏志附土默特一門卽以張略所出王公表傳者聯爲一卷題曰上卷再以土人都哈爾札布所輯摘敘其要爲下

卷諸篇

土默特旗志卷三

世系 三表附

夫土默特內蒙古之一旗也相傳蒙古爲黃帝遠裔傳嘗以帝少子始均爲北狄之祖陳殷所云元祖起沙漠自稱黃帝之後是也元以前吐蕃國號亦稱土伯特與土默特音相似元之亡也子孫之在漠南北者率百餘部而漠南諸部則爲內蒙古內蒙古之中八部十六旗與阿拉善青海兩厄魯特則爲太祖弟哈布圖札薩爾之裔也阿巴噶阿巴哈納爾二部四旗則爲太祖布格博勒圖之裔也翁牛特都二旗則太祖弟諤楚因之裔也至太祖十六世

孫阿爾坦之裔則有翁牛特一旗及土默特右翼一旗及歸化城之閑散輔國公而此外又有浩齊特蘇尼特烏珠穆沁敖漢奈曼鄂爾多斯札嚕特巴林克什克騰喀爾喀十部二十二旗與外喀爾喀同祖達延車臣汗皆姓博爾濟吉特而爲太祖十五世孫之裔也惟喀喇沁及土默特左翼二部四旗則爲太祖臣濟拉瑪之裔姓烏梁罕是內札薩克四十九旗之中有兩土默特矣其烏梁罕之土默特天聰間歸我授札薩克封達漢鎮國公善巴者所稱喀喇沁之土默特非歸化之土默特也姓博爾濟吉特之土默特其祖爲元祖十六世孫阿爾坦號格根汗初由河

套徙豐州灘築城架屋號曰拜牲卽板升也有明通好授  
順義王印名所居城曰歸化是生僧格號杜稜汗再傳噶  
爾圖以遊察哈爾東徙鄰喀喇沁卽今東路之土默特其  
居西路者自格根凡四傳至博碩克圖汗仍居歸化察哈  
爾脅之率其部落敗察哈爾於趙城又敗於張家口林丹  
汗嘆之伺其卒襲有其眾我

朝天聰六年平察哈爾移師歸化城博碩克圖子曰俄木  
布集眾降

詔居守之九年睿親王略林丹汗地留貝勒岳託於歸化  
城所部人告俄木布乳母夫通明將以叛岳託追襲喀爾

喀兵執俄木布歸因命其部目杭高託博克分守歸化城

崇德元年以古祿格都統左翼杭高都統右翼

事見自是上卷

博碩克圖裔分隸左右翼稱台吉喇嘛札布之祖曰素爾

巴勒濟圖父曰達木巴世居歸化乾隆間數徵歸化城兵

助勦達瓦齊暨青衮咱卜諸部喇嘛札布以功由一等台

吉晉爵輔國公授札薩克增土默特一旗隸烏蘭察布盟

迭被優詔後二十五年以罪議削爵

詔貸之而退其乾清門侍御差三十年卒傳子索諾木旺

札勒曰喇嘛札布者則歸化城之土默特也

詔以輔國公世襲罔替此土默特之宗支也至歸化城之



土默特非其同姓而來歸我者又有二宗一古祿格以功

授左翼都統事見上卷一託博克亦以功代杭高子巴桑為右

翼都統事見上卷皆土默人皆傳其世居歸化城古祿格傳子

錫喇布及五子阿喇納以罷削孫古睦德復襲之曾孫丹

津襲都統兼三等子爵卒後其子札什泰停所襲之都統

改三等男爵札什泰子福保以下但襲爵而左翼都統絕

託博克傳次子古嚕及三子烏巴什孫拉察布至拉察布

之弟阿彌達以罪削其子根敦仍襲之至其孫明達爾什

卒後停所襲之都統改三等男爵其曾孫賽奇彌哩克圖

以下亦但襲爵而右翼都統亦絕後由京員簡放副都統

以後土默特而統轄綏遠將軍其居歸化城如故仍分隸  
左右翼稱台吉現土默特有二等台吉兼勳舊佐領者二  
員四等台吉兼勳舊佐領者一員四等台吉兼世管佐領  
者一員其子孫年已及歲者均爲台吉而輔國公一爵歸  
左翼三甲其世係之概若此

土默特 爵三 隸綏遠城將軍 世系表二

職	號	世	系	子	孫	曾	孫	元	孫
爵	名	初	封	子	孫	曾	孫	元	孫
此	輔國公	元太祖裔	世居歸化	索納木旺齊	嚕布	根丕勒多貢格	巴勒		
爲	喇嘛札布	城	札勒	嘉慶二十年襲咸豐	爾濟	光緒二年襲光緒二			
西	土默特	乾隆十一年封札薩	次子乾隆	五年卒	咸豐八年	光緒十七年卒			
特	亦	克輔國公	三十一	年					
日	歸	二十五年襲	四十九						
化	城	以罪削札	年						
土	默	薩克三十	詔世襲						
特	入	一年卒	替						
烏									

七狀寺志

卷三

4

蘭察布盟

二黑牛三

卷三

四

原授左翼	土默特人	錫喇布	古睦德	丹津	札什泰
都統今襲三等	天聰六年歸居	古祿格第	康熙九年襲	康熙四十年襲	丹津嗣子
子兼三等男	化城崇德五年	襲九年降佐領	統五十三襲	都乾隆二年	乾隆二年
古祿格	元年授左年卒	仍襲四十年卒	子乾隆二年卒	都統以前停襲	之前停襲
翼都統順治二年授	阿喇納	三年卒	停襲	三等男爵	令其兼襲
三等子康熙五年卒	古祿格第	二十五年	襲三十五年	三十一年卒	三十一年卒
六世	福保	札什泰次子乾隆三	年以罪削	襲三十六年	襲三十六年

二  
景  
4  
二  
八

名  
二  
二

十年襲  
等子兼  
等男

三

原授右翼

土默特人

古嚕

拉察布

都統

今襲三等

男

天聰六年託博克次康熙二十  
來歸居歸子康熙九年襲二十

化城崇德年襲二十一年卒

元年授叅年卒

託博克

領三年授一等輕車

烏巴什

阿弼達

根敦

班達爾什

都尉順治託博克第康熙三十  
四年授右三子康熙五年襲三  
翼都統康二十一年十六年以  
統乾隆七年卒都統崇  
熙九年卒襲三十五年罪削  
年卒

年卒

年卒

等男

六世七世八世九世

賽音弼哩 噶勒增 納沁 吉朗阿

克圖 乾隆五十嘉慶十八道光三十  
五年襲嘉年襲道光年襲光緒

乾隆二十八年二十九

年襲三等卒

卒

男二十六

年卒

賽音岳蘇

圖

賽音弼哩

克圖從弟

乾隆二十

六年襲



土默特旗志卷四

法守

其年班則左右兩翼台吉輪值各一年所貢湯羊十八

御府所資以頒賞也台吉人各具一台吉雖增亦十八人任

之貢馬匹百六十三石青二千觔乾隆三十四四十年

詔罷之以恤藩臣無佗貢

其陞轉則上而叅領下而驍騎校前鋒校每晉一階必咨

送理藩院

今改部

帶領引

見一次現在新例叅領佐領仍

前引

見雲騎尉以下官員不引

見永著為例通行在

案設有副都統

記名仍

召見前叅領烏爾圖納遜亦復

召見二次有案

其城曰歸化南門亦曰歸化皆因忠順之歸義而名之者也北曰建武東曰承恩西曰柔遠其舊南門鼓樓曰威固初爲唐盧世德所建乃土城也謂之豐州至明季始砌以甃改今名國初繙清語曰胡呼和屯乾隆年奉

旨歸化譯以胡呼和屯意多不合著改爲庫克和屯其名始定城周六里餘高三丈有奇南北二門經左右翼弁兵與台吉等修於康熙中年乾隆初元又葺之道光中築土垣爲郭是城也京畿之鎖鑰晉垣之襟帶烏伊諸盟之屏蔽

庫科烏諸城之門戶而綏城之所爲犄角也雖曰守在四夷其能忘險哉

其衙署則北門內南向者土默特旗正都統衙門人曰丹府統於乾隆間奉裁舊衙爲其子孫世守久爲歸化稅局所僦居道東巷有旗務衙門轅門儀門兩堂具備東爲戶司署西爲兵司署東北爲印房總理署又東有旗庫其外有漢稿房專主漢文稿其滿蒙文件均隸兩司丹府迤南而西向者爲今副都統署其內衙室仍南向門堂寢室前鋒營回事處具焉城外西南有道署理事同知署西北有巡檢廳及監獄城北有舊都司署今爲續備軍營同在

歸城外不備述

其地方官吏理蒙民交涉案件者先由將軍都統 奏設  
五廳委用理藩院筆帖式五員至七員後改置蒙民理事  
府又設歸綏道改置撫民理事同通以道轄之現歸化薩  
拉齊爲理事同知托克托和林格爾清水河三廳爲理事  
通判均在土默特界內又置巡檢以副廳治之所不及蒙  
人衽席之安皆

天家之賜矣

其國書則報部文件止用清文不用漢文迨後內地民人  
漸集漢文風氣一開蒙人遂多肄漢書凡有公文案件報

部則用清文咨各札薩克旗則用蒙文移道廳均用漢文近歲大半以漢文往復不爲例禁所拘惟各署繕書則以爛滿蒙者應之耳

其學有禁習漢文之例公文案牘皆用蒙文慮忘本也自建文廟設義學以來則漸習漢文矣文教涵濡狃獠潛化近歲士默特學生亦應童子試於五原薩拉齊廳之間經兩廳請於學使學使咨於禮部准與漢文一體赴考尋經寶瑞臣學使以文理優長取入廳學二名曰巴文峒曰奎傑是其文字萌芽造就殆未可量今聞往太原肄業學爲師範而歸化立學已有土默特學生十餘名綬遠將軍

貽穀新開學堂亦招蒙人附課其中周孔北方之學所以能化朴僿爲文明者豈不信歟至其學滿蒙文者理藩院定例應送繕滿蒙文之生十名聽諸署差遣歸綏道署二監督總局稅廳二歸化廳二薩托和清廳俱一在署三年勤慎無過由道廳加考呈軍府都府察勘無異予以升階

### 附學校考

#### 蒙古繙譯童生考試例

光緒九年九月二十九日巡撫張之洞奏七廳改缺後應議各事宜內稱五廳所治皆係土默特地面查土默特筆帖式聞向有准考繙譯鄉試之說但此處

蒙古亦概未赴考今既在土默特地面立學該蒙古  
係屬土著自亦未便獨令向隅似應於歸化廳一處  
設土默特繙譯學額二名由歸化城副都統於土默  
特官學生內考錄送學政一體隨棚考試將試卷封  
送禮部或何處通曉清漢蒙文衙門校閱取進後仍  
發交學政咨送副都統榜示俾其涵濡

文教漸化愚頑於治理不無裨益雖向無辦過成案值此  
整飭邊政之際未便稍事拘泥自繙譯鄉試仍照筆  
帖式調京考試之例辦理十月初六日奉

旨該部議奏光緒十年四月吏部等部議 奏前摺內稱

臣等悉心核議各該廳所治土默特地面蒙古係屬土著所請添設繙譯學額之處亦應俟漢民學額議定時將繙譯童試章程照例舉行以裨風教奉

旨依議

光緒十年九月十一日署巡撫奎彬等奏七廳尙難遽定學額擬請援案酌量取進原請設土默特繙譯學額現在漢學既歸專設是否一律舉行應候部議  
九月十八日奉

旨該部議奏至十一年正月二十二日禮部等部議奏前摺內稱土默特繙譯學額據升任撫臣張 奏請額



設二名由歸化城副都統考送學政隨棚考試等語經臣部議俟漢民學額定後查照繙譯童試章程舉行在案今七廳漢民准其就近應試酌量取進該蒙古係屬土著更未便獨令向隅亦應自下屆歲試爲始由歸化城副都統查明該處如實有繙譯精通者准其一體考試遵照定例每五、六名取進一名並照前奏以二名爲限如報考人數不敷卽行停止其考試事宜應詳查繙譯童試例案由該副都統遵照辦理毋庸咨送學政考試奉

旨依議

蒙古漢學童生考試例

光緒三十一年二月二十六日山西學政寶熙咨呈  
禮部公文略曰據署五原廳同知姚學鏡薩拉齊同  
知清治合詞稟稱卑廳等童試錄取士默特蒙古文  
童巴文峒奎傑二名文理均屬優長應否一同送考  
稟請示遵等情前來查光緒十一年正月大部議覆  
口外七廳漢民既設專學士著蒙古亦未便令其向  
隅應查明有繙譯精通者准由該副都統詳查繙譯  
童試例案遵照辦理等因良以該處蒙民向無通曉  
漢文之人故僅定有考試繙譯之專章而於報考漢

文作何辦法未經議及現據該廳等稟稱土默特文童巴文峒奎傑二人文筆優長有志上進足徵

文化涵濡日久風氣漸開且當墾地新闢蒙漢錯處之時亟宜變通辦法藉泯畛域而澤以詩書擴其學識化喬野爲文明尤爲無形之轉移查各省回民錯處久與漢民一律考試又全書土苗事例內載嘉慶八九兩年大部議准浙江之番民四川之番民有願應童試者准其與平民一體報名赴考其卷面亦不必分別漢番仍照原取進如漢民肆行阻撓者照例辦理等因各在案今蒙童巴文峒奎傑報名應考核與一

律予試之例相符况蒙民近甚回番尤宜一體相待  
兼以各廳人文未盛亟應變通辦法准其一律應考  
以開風氣而免向隅相應據實咨請 云云 禮部核准  
立案

乙巳科由歸化城土默特右翼六甲叅領屬下蒙古  
文章二名一名搭齊佈佐領下巴文峒一名德勒格  
爾佐領下奎傑已由學政考取文生

其學堂經將軍貽穀所籌三十年因新法起設監督一員  
月給津貼五兩 額四十名每名月給津貼銀一兩二錢  
學科如定章教習漢文一員十二兩滿蒙一員七兩司事

一員三兩常年經費九百兩是謂小學堂三十一年又設  
蒙養學堂一所生額五十名其經費自都統就地籌役外  
由將軍查有蒙旗歐脫地中爲四子王察哈爾所爭田並  
達旗四成地又有瀕臨黃河最窳下之地二十頃而漢民  
私墾蒙民禁格者均議作緩遠學費批歸蒙學公費三十  
二年 奏定

其武備則六十佐領下原有披甲兵五千名領催三百六  
十名每佐領牛衆六名辦牛衆差使之前鋒二百名應軍  
輟差者百二十名應都轅差者八十名其餘爲叅領佐領  
所差遣者各二名驍騎校所差遣者各一名派赴各臺站

卡倫渡口以資捍禦者又若干人此外在兵戶兩司印房  
旗庫巡捕營四門以及壇廟教場倉廩防衛之兵紛紛  
瓜代合之見多分之見少且服役以有餉而勤常操以無  
饑而情況承平日久將鮮知兵士卒嬉遊漸成風氣以視  
國初蒙兵之驍勇而南北用兵足資調遣者迥不侔矣春  
秋二仲之蒐獮僅得千餘人雖設爲操練營員未易成爲  
勁旅後所操一營已停僅定以百人更番操演祇以兵無  
薪餉全倚戶口地畝且耕且牧充當各路苦差故難望其  
操練成軍也自光緒二十六年以來由前將軍都統疏請  
由土兵內挑選精壯派叅佐等官訓練編爲常備軍近奉

新章飭各營設武備學堂改練一切新操現經貽將軍  
奏明先練二百員名分爲左右兩翼認真教練所資槍銃  
前由德商定購二百四十枝皆七馬力毛瑟馬步快槍仿  
照所訂綏城學堂規制其津貼口分等款由六成地租項  
下籌備春秋兩次由將軍校閱俟操法漸熟更擬更換二  
班以符常備續備等制惟鉅款未易續籌耳  
其差役則六十佐領下蒙兵五千內有領催三百六十名  
每牛衆六名前鋒二百名奉將軍差遣者百二十隸都統  
轅門者八十叅領差委者三佐領二驍騎校一以及派赴  
各卡倫渡口外皆在兵戶兩司印房旗庫巡捕營

壇廟四門教場倉廩處當差

其台站有三一烏里雅蘇台定邊左副將軍一科布多叅贊大臣一庫倫辦事大臣所司台站凡領餉換防等差由土默特派弁兵迎送其三台由歸化起程者曰首台察齊魯木台爲二台補爾克速爲三台相距各九十里其經費由本屬生息項下開支歲八九百金若第四台已至大漢德力歸達爾漢貝勒旗境接辦矣驛站者亦卽台站之路也凡將軍各署公文經行台站例由土默特六十佐領下出丁接送至今有村名八十家五十家或二十家在驛之旁皆以驛兵之目而名之者歟

察齊魯木一作察齊拉補爾克速一作佈爾克素



謹案康熙三十一年設立外藩蒙古各驛站每驛相  
去百里惟科爾沁土默特由... 行走不另置驛  
又自歸化城至鄂爾多斯八百里置驛第八蓋將通  
道於四裔亦使外服共效馳驅之役所以普車書於  
大同也考臺站遺規及土默特之所紀可以博

皇道而宏漢京焉

其要隘謂之卡倫則官渡二處每處原設官船二隻兵十五名一胡灘和

碩在托廳東南距歸化城百八十里一南海子在薩廳西南距歸化城三百里皆設防禦驍騎校各

一員無俸餉又卡倫十一處每處按月由兵司派官一員兵五名察汗鄂博在城西三

百三十五里五當谷在城西二十里噶爾第谷在城西一百里四處在達

爾汗旗薩廳分境內又有七谷曰特孟庫珠在城西八十里曰奇

爾庫在城西三十里曰翰滾在城北二十里曰哈拉沁在城東北二十里曰鄂奇

特在城東北四十里曰烏里雅蘇台在城東六十里曰和林格爾在城東南百二

十里在歸廳分境內又卡倫八處此四處卡倫按月派官一

盤費四兩五錢兵每名月給員蒙兵各十五名官每月

三兩共二萬兩息銀項下爾登卡在城正北五十里二哈

拉托勒亥卡在城北百三哈拉哈少卡在城正北百四東哈魯勒

卡在城東北百二十里五翰滾特克在城西北百三十里六庫特依在城西北百五十里

七特略木圖在城北百七十里八克略溝在城西北百五十里又二處胡雅

克圖察漢庫圖勒又與烏蘭察布一盟六旗共設卡倫十

二處四子部落五卡達爾汗三卡茂明安一卡烏拉特東

西中各一卡

按綏遠城所載卡倫十一處與此不同曰鞞凌在城北二十里又二十里曰哈喇沁又二十里曰鄂奇特又三十里曰烏里雅蘇台又三十里曰和林格爾城西北八十里曰阿塔庫又六十里曰特門庫珠又一百二十里曰夏魯第又五十里曰蘇勒哲又五十里曰烏達又四里曰察漢鄂博每月輪派土默特官兵巡防而此不言者蓋同治間 奏停十一處之役而此特自守其要害非役於軍府者歟

又案識略謂卡字後人所造字彙補作從納切解

曰楚屬關隘地方設兵元塘謂之守卡今讀如克  
雅切取不上不下之義意所謂上下關鍵也近日  
稅關小者皆曰卡倫字義鮮有解者疑爲語助若  
庫倫索倫之類紀文達所著書注曰戍守瞭望之  
地曰軍營瞭望之名大率扼其衝要以防姦究必  
據山川形勢之險而爲往來所不能越者故記關  
隘無要於此歸綏之卡多於內地蓋統諸屬而籌  
之備之以與土默特劣兵而守之者也然此與土  
默特頗有異同一則蒙漢文字繙譯各殊一則彼  
之所轄有隘於一道之地者可參而觀之

其倉在歸化城內駝橋街內設隆字一廩儲穀二千石係支放副都統署俸並托里拉克召喇嘛口饌及養濟院月米之備今以舊章寢革露積云虛有存焉者則舊都統堂東一庫曩存房地租銀煤炭稅銀以備春秋祭祀將軍都統廉俸官學膏獎及修補軍械操演公費繕書鋪司台站差使工食一切賞卹之用膏獎操演變而學費矣其他源源待給尙可問諸筦鑰之司乎

其戶口則左翼所統共戶千六百四十又九職官至甲兵男婦幼丁共口七千七百三十又六右翼所統共戶千七百有四十職官至甲兵及男婦幼丁共口七千八百六十

又四綜計三千三百八十九戶一萬五千六百名口

國初以來蒙人亦繁盛矣當日興師遣戍常以千計舉數百里之眾生養休息二百六十餘年椒聊瓜瓞當如何縣縣繼繼蕃衍盈升而今民數乃如此以燕晉秦邊鄙之人填塞於其境枝強尾大母亦有可慮者乎揆其式微之故非謂租賦之不給物產之不饒無以養其身也實以

王化所播聖教所被常阻於金河紫塞之遙則富貴與生俱來轉以甚其人情之齷齪而奢欲之爲累貪恡之見欺且日以蹙其生計固不徒格根喇嘛捨身招提多自斬其嗣續也蒙人警焉治蒙者思焉

土默特旗志卷五

賦稅 附輸田

其所賦之田向由歸化城代徵渾津黑河等處本色米二千六百一十六石有奇又改折米五百八十八石薩拉齊廳代徵本色米二千零五十三石有奇改折千七百十七石有奇和林格爾代徵本色米三千六百九十七石有奇改折二千六百二十七石有奇清水河代徵折色米二萬九千一百三十七石有奇

其所稅之關向者牲畜等稅皆自派員起徵每價一兩抽錢八文以充公費年終報理藩院核銷至乾隆二十六年

由殺虎口管理每年包給公費七千兩著爲例至三十一年改派理藩院章京駐歸化管理牲畜稅未幾奏移歸綏道按部則經收至光緒二十三年又由省改派道府以次委員專司關稅仍照給公費並穀價千五百兩以外旗境內各溝若大青山哈莫爾阿利莫圖清水河喀喇烏克爾圖四處產煤炭之審向由土默特派叅佐各一員驍騎前鋒兩校坐收額稅以資辦公年終咨報戶部理藩院

今改戶部

度支院

核銷至今不改

輸田記附

土默特旗衆自被 中朝收錄救援始有今日故尺



地一民不能私爲我有維是境內田土陸續納屯墾  
爰助饑饉者所在良多有交五廳管屬征糧者有交  
右衛八旗以及綏遠城八旗作爲游牧者原奉

旨與土默特爲公共游牧今則續墾數十百里矣本境荒  
田而外有糧廳管屬之莊頭地有撥給公主之地有  
代買米地有撥補莊頭等項地無不由土默特効納  
札薩克四十九旗之中若土默特之首倡大義以助  
天朝無或畛域者蓋可風焉爲之羅列於後

一雍正十三年六月歸化城都統丹津協辦尙書通智  
等奏請將土默特境內閒曠膏腴之地八處作爲大

糧官地飭交地方征糧以備軍食奉 旨飭廳丈放  
征收賦役在案

一曰善岱墾地一千五百頃原交托廳後歸薩廳征米  
五千倉石二曰西爾格三曰補退四曰什拉烏素此  
三處共地七千頃交薩托二廳徵米二萬倉石五曰  
清水河墾地二萬七千頃交清廳徵米八萬倉石六  
曰特穆爾昂力行七曰渾津此二處墾地二千五百  
頃交歸廳徵米七千倉石八曰廠木哈克墾地二千  
五百頃交和廳徵米八千倉石

以上八處共墾地四萬頃每畝以三升徵米共徵

米十二萬倉石

一歸化廳於乾隆二年七年九年十六年五十四年

奏放渾津黑河二里官地四百三頃六十七畝六分五絲

一薩拉齊廳於乾隆二年 奏交丈放長泰寧善四

官地一千九百三頃七十四畝五分八釐二毫五絲

一托克托廳於乾隆二年 奏交丈放安興遵三里官

地一千一百一十八 十七畝四分

一和林格爾廳於乾隆二年 奏交丈放物阜民安上

下七里官地三千二百五十四頃三十七畝一分

一 清水河廳於乾隆二年 奏交丈放時和年豐家室  
盈寧八里官地一萬三千四百二十六頃一畝九分  
二 釐

以上五廳共放糧地二萬一百五頃九十八畝六  
分五釐二毫五絲

一 乾隆三十七年 奏交五廳丈放代買米地一千五  
百九十三頃九十八畝 每年應徵銀三千五百兩

一 乾隆六十年嘉慶二年丈放山後八旗廠地六千九  
百五十五頃

一 嘉慶十四年丈放撥補莊頭四旗廠地七百九十頃

五十畝五分

一乾隆五年二月閉禁蜈蚣墳後私墾厰地案內有雍

正十三年民種十七俱牛地一段每年應納租五十兩

一乾隆三年効納綏遠城八旗牧厰二萬四千一十六

頃五十畝原奉旨公共游牧今已經奏墾

一雍正年間 奏給右衛八旗馬厰一段在和廳界

一雍正年間 奏給十家莊頭地六百餘頃在歸廳界

一康熙年間効納公主地畝約數千頃數目未詳在歸廳界

一乾隆四十二年 奏交五廳地畝二百頃上下作為

鰥寡孤獨賞項 每年徵銀三百餘兩

一 乾隆二十六年 奏放大青山十五道溝官地四百

四十三頃七十五畝 每年徵銀一千三百餘兩

一 清廳界內亦有右衛廂藍旗牧廠原放地四百三十

八頃

一 光緒十三年 奏放土默特六成官地三千六十三

頃二十四畝六分

以上各項糧地官廠各地約有十餘萬頃此外又

有帶產歸駙站當差蒙丁之地不在此數

按近年有報退及未盡報退各項糧地 薩拉

齊廳之所徵為多如包頭鎮米地二百四十頃

盡數報退薩爾沁村米地三十頃七十二畝退  
地四頃烏爾巴齊村米地二十九頃退地十九  
頃六十五畝磴口村米地十九頃八十畝退地  
八頃巴拉蓋村米地十四頃四十九畝盡數報  
退黑訓營村米地八頃七十五畝退地三頃九  
十五畝朱爾圪代村米地四頃退地八十八畝  
烏填村米地四頃九十八畝全數報退什不沁  
村米地百一十六頃十九畝退地三十九頃六  
十九畝蘇波爾蓋村有豁七緩三地一段其內  
亦有報退字樣白彥察漢村米地三十七頃九

十畝盡數報退獨力堤米地四十七頃二十七  
 畝退地二十一頃三十一畝大代村米地二十  
 八頃四十八畝退地十七頃九十八畝 和村  
 恪爾廳之所徵如巴爾旦村米地十頃盡數報  
 退甲拉爾村米地六十一頃二十五畝退地三  
 十五頃六十九畝四分肯只貝村米地三十頃  
 退地十八頃五十畝公布忽同圖米地二頃五  
 十畝如數報退公喇嘛米地一十頃零十五畝  
 燈籠素村米地三十頃二村開除地九頃五十  
 畝 歸化廳征收之黑沙圖花溝二村米地十



五頃盡數報退麻什村米地十二頃退地六頃  
七十畝又沙拉烏素喇嘛營狼家營黑土窪紅  
巧爾村共五村餘寡孤獨地五段盡數報退  
清廳所征八里糧地內報廢地八千五百餘頃  
廂藍旗廠地內報廢二百六十二頃五十畝



土默特旗志卷六

祀典 附召廟

蒙古稱廟曰召供佛者衆不特喇嘛爲然故其寺院撲地  
率皆棟宇崇宏輝煌金碧其在歸化附近奉

旨勅建或賜名者十數皆有復呼弼勒罕札薩克達喇嘛住  
持其在遠而私修者更不可枚舉今作綏遠專志與歸綏  
全志擬仿靈壽志及續河南志畿輔志之例寺觀姑從其  
闕惟是雍正五年尙書通智與都統丹津諸人請建

聖廟於城南門外其規制祀典如他郡縣又置官學於其  
旁選子弟之秀者入學教以滿蒙及漢文字教習與學生

皆予費又立旗官學曰啟運書院俾諸生學文兼習弓馬  
又建先農壇關聖廟列入祀典此皆蒙旗中卓卓可傳之  
盛事不可以略而歸綏大召概爲蒙古呼圖克圖所建每  
奉

敕命頒賜額字土人重佛以爲外方孔子人心所歸非徒觀  
之壯也爰列廟召一錄附祀典之後以存遺制至漢紳  
民所建祠廟他郡廳僉同且非蒙部所崇奉茲不著錄

土默特都統丹津等於雍正二年 奏立

孔子廟正殿三楹東西各三楹曰東廡西廡後殿三楹曰  
崇聖祠後殿東廂六角亭內有井曰泮池西廂建祭器

庫前殿前中門三楹曰泮宮門左右二門曰禮門曰義路禮門有正亭三楹曰名宦祠義路右小亭三楹曰鄉賢祠泮宮前中設泮橋東西小亭一曰東齋所一曰西齋所泮橋中有櫺星門左右各小門一櫺星外有左右牌坊額曰德配天地道冠古今櫺星南有照壁曰萬仞宮牆照壁東西兩轅門週繚以欄乃土默特作育人材之始基也

大成殿至聖先師孔子神位

崇聖祠啟聖五王顏曾孔孟以次追尊之先賢

東廡先賢蘧子以次三十九人

先儒公羊子以次二十六人

西廡先賢林放以次三十八人

先儒穀梁赤二十六人名宦祠祀將軍都統有功德於土人者忠義節孝祠牌位如制春秋二仲上丁行釋奠禮月朔月望行香釋褐釋菜禮均如儀

先農壇於雍正五年經歸化城都統丹津具奏奉

旨於城東三里許建修正殿三楹供祀

先農神位東殿三楹西殿三楹八角亭一座設爲反坫東屋三椽西屋三椽中設大壇繚以門垣週圍籍田地五頃遵照禮部行文致祭之日每年由土默特派員恭備

祭品戶司移知歸綏道歸化廳至日歸綏道率同知巡  
司由廳飭知鄉耆備辦籽種牛俱副都統主祭歸綏道  
以下陪祀各服蟒衣行耕籍禮

關帝廟於雍正年由土默特叅領等官施地建修趾在城  
南門東南小東街每年春秋二季並五月十三日致祭  
三次由土默特派員恭備祭品副都統主祭道廳等官  
助祭至於光緒初年歸綏道祭於地方所立廟旗務員  
弁仍如舊

文昌廟未建時假用無量寺前殿致祭於光緒元年閏旗  
官員建廟於城南稍東正殿三楹後殿三楹東殿三楹

西殿三楹大門三楹上祀奎星於三層樓每年春秋致祭如儀

書士默特都統丹津修 文廟事後

雍正初元歸化城居民客商卜地庀材將爲都統丹公建生祠祀之以比費大將軍都統辭焉而工與材具不可止乃與尙書通智疏請剏修 孔廟定爲春秋致祭並儲欵以備修葺於將來卽此一節可以見丹公之賢矣讓美一也翼聖二也垂教三也惜物四也使夫爲吏而邀頌諛竊俎豆者有餘愧焉而出之外藩世閱豈不難哉迄今苗裔雖微而讀王公表傳



並謁費公祠胙饗勿替焉蓋與國初諸勛臣爭烈  
矣甯河高賡恩

召廟記附

歸化城內外所建各召廟

無量寺崇德五年都統古祿克楚琥爾 奏  
奉

諭旨派員偕該寺德木齊等監修旋奉

賜寺名曰無量供

萬歲聖牌於中康熙三十六年經札薩克達喇嘛內齊托音

胡圖克圖奉

旨換蓋黃瓦寺在歸化城正南一里許內設札薩克喇嘛達

喇嘛各一名寺一名  
大招

崇福寺於康熙丁卯年建奉

賜今名寺在城東南一里許內齊托音胡圖克圖住管札薩

克喇嘛達喇嘛各一名寺一名小招

崇壽寺於順治十八年喇嘛沙拉布建康熙三十三年

其徒喇嘛朋素克重修奉

賜今名寺在城西南三里許內設呼弼勒罕札薩克喇嘛達

喇嘛各一名寺一名  
蓬松招

延壽寺亦舊寺也康熙三十五年修復在歸化城正南

一里許奉

賜今名習喀圖胡圖克圖住管內有喀弼勒罕三名札薩克

喇嘛達喇嘛各一名

延禧寺初祇蒙字名嘉慶六年達爾漢巧爾濟胡圖克

圖稟由掌印札薩克達喇嘛詳理藩院轉 奏奉

諭旨易名延禧內設達喇嘛一名

慈燈寺當崇福寺僧陽察爾濟胡弼勒罕充副札薩克

達喇嘛時於雍正五年進京 年班 奏懇於城東

南四里許捐建雍正十年蒙

賜今名著該僧住管內達喇嘛一名

隆壽寺距城西南二里許於康熙八年巧爾濟喇嘛達  
賴創建至三十四年葺而新之由掌印喇嘛報理藩  
院請

賞今名嘉慶十年災迄光緒十一十二等年重建內札薩克

喇嘛達喇嘛各一名

寺一名愛木氣招

弘慶寺距城正南五里許於康熙六年甯甯胡圖克圖  
建奉

上諭賜今名內札薩克喇嘛達喇嘛各一名

甯祺寺於康熙六十一年土默特兩翼官弁兵丁捐建  
乾隆十九年添建東北之至勝塔一座二十九年又

添建西北之至忠塔一座四十九年奉

旨賜今名內左右達喇嘛各一名

廣福寺土默特叅領甲布之家祠也後其家人施給張嘉佛於乾隆三十年

賜名廣福

隆福寺在東門外百步康熙三十四年故巧爾濟喇嘛達賴之徒恩克所建因隆壽之名曰隆福寺現仍歸隆壽寺管轄未設達喇嘛

以上寺一十一座俱坐落本城附近乾隆八年奉特旨賞給香燈地畝以資諷經僧徒養贍以外各寺異此

仁佑寺前於乾隆二十年准理藩院咨行

奉旨 在後喀爾喀旗境果畢托哩補拉克地方修建每年給香燈供品僧徒常年盤費等項銀三百四十餘兩由土默特記檔作正報銷載入則例又每年應給口糧本色米七十九倉石餘由歸化廳採買穀石項下給領典至隆也湖厥所由因康熙三十四年

聖祖仁皇帝親征厄魯特駐蹕果畢托哩補拉克地方軍行乏水忽御馬驚嘶蹏下出泉甘如醴當時

諭扈從王大臣還朝之日於此建龍神廟故有此

旨寺西北距城千餘里向烏科兩城之路設達喇嘛一名諷

經喇嘛二十名有缺由土默特掌印喇嘛處選充

廣覺寺之修在乾隆三年將軍移駐綏遠城之後將軍

五年一詣查閱寺在五當谷內俗呼曰五當召距城

三百四十里內駐東喀爾班迪特胡圖克圖管轄最

黃衣叢集之所其地松柏鬱翠虎鹿馴遊時有異獸似猢猻獼哈達罕種類不可殫述

查此召原建於土默特界內乾隆九年烏拉特旗

強爭之奉 旨查辦議定三溝泉淵北地準烏旗

借牧

廣化寺在歸化城西百里畢齊克齊正北大青山內前

明中葉有寶坻都察漢喇嘛在此山洞長齋諷經傳

教僧徒至於順治十二年涅槃其徒察漢迪彥齊察  
哈爾迪彥齊額爾德尼迪彥齊三人皆建寺持戒以  
其師高弟子虔斯哈卜迪彥齊爲師順治十五年在  
佛洞下廣建殿堂康熙五十八年重修雍正二年  
奏請賞給度牒乾隆四十八年復

賜寺名廣化住虔斯哈卜迪彥齊胡圖克圖一名達喇嘛一  
名

慈壽寺在城西五十里之什報齊村北大青山之陽順  
治十二年建康熙間

賜今名察漢迪彥齊胡圖克圖建卽住管設大喇嘛一名



崇禧寺在城東北鄂奇特谷距城六十里順治十二年  
建康熙五十二年

賜今名額爾德尼迪彥齊胡圖克圖建卽住管設大喇嘛一

名

慶緣寺在城西北二十里五素圖村西山之陽順治十  
二年寶圪都察漢喇嘛佛建此寺成卽湮燬其徒察  
哈爾迪彥齊重修又於乾隆四十七年添修經堂廣

殿經理藩院轉 奏奉

旨賜名察哈爾迪彥齊胡圖克圖住管設大喇嘛一名

法禧寺慶緣寺之僧徒麻郎布巧爾濟祿佈生王吉勒

建修

賜今名住持卽建寺之呼弼勒罕

廣壽寺初有慶巧爾濟喇嘛納旺丹丕勒當蒙

恩賞官帑用建廟宇於五速圖之山奉

旨名其寺距城二十五里不設達喇嘛歸延壽寺兼管

永安寺 延壽寺皆胡圖克圖建之於烏蘭察布地方

者也彼時公主業於城正北修府於此寺院相望公

主佈施鉅萬令移之五速圖邨東山中察漢哈達俗

呼哈達召亦不設達喇嘛管轄如前

普會寺習喀圖胡圖克圖於山後沙拉穆楞建之落成

於乾隆三十四年

賞寺名在城北百五十里山後其寺之黃黑僧徒一切經典

廟規均歸延壽寺喇嘛經理惟另設達喇嘛一名

尊勝寺康熙元年札雅班迪特胡圖克圖由喀爾克札

薩克圖漢部落旗赴京奉

諭旨著該胡圖克圖率僧徒等在於歸化城地方建廟住持

比歸遂於哈拉沁山溝內建此寺康熙三十六年

賜名曰尊勝寺距城百二十里該胡圖克圖住管設札薩克

喇嘛一名

增福寺在城西南百二十里里素邨有呼姆勒罕住管

上供

聖祖仁皇帝御靴因康熙三十五年過胡灘和碩官渡撫綏

河套蒙衆駐蹕於茲父老攀轅留此遺念云旁有龍

王廟

御筆額曰誠無不格當日加封金面龍王

按土默特志略所輯共四十一召附歸化城者十一

在四境者二十七在境外者三今所錄於其境外並

四境所建省其十八而存其十二皆以

御賜寺名及有繫於公務而存之也其所省之寺或未入通

志黃教內者概行補錄歸志以存其名總之此篇以

國典爲尊非如識略作呼圖克圖紀著札薩克喇嘛世譜  
云者故夫香燈地畝各款及於報案歸兵戶司呈副  
都統札飭會訊者舉不著於是編

二  
身  
力  
示

名  
ノ

一

土默特職官考卷七

土默特官秩之多幾倍於滿城將軍所屬才六十員耳土  
叅領而下至百六十餘員優禮外藩傳龜襲紫任及子孫  
初離襁褓遂珥貂璫

眷何隆也稽夫協領有兼官佐領有世管且上公之後仍  
上公台吉之後皆台吉承廕諸職且與

國爲休焉是烏可以不紀至若某官某民舊籍不可得聞  
姑取當今氏譜書而著之亦猶涑水諫碑之意爲之題名  
俾見指者知所法戒焉爲考如左而列表其下

左右翼長二人 叅領十人

佐領四十八人 驍騎校六十人

兵丁五千名 前鋒二百名 披甲四千四百四十名 領催三百六十名

弁兵無俸餉馬皆自備均給田有差每兵一名種地一

項官弁遞增每春秋二季派撥兵一千名操演爲操

營每名月給銀一兩五錢由土默特庫支發

叅領十二員每叅領管五佐領各頒給關防一顆以上

各官由該旗蒙古內挑選咨送理藩院帶領引 見

遇有處分案件折罰牲畜

印房寓戶司東北隅 詳公署 其管理人員係由叅領內派

委一人總理督同兩班章京辦理承發事件



又有兵司戶司操演營三處各設翼長一員頒給關防  
由十二叅領內挑選咨報理藩院其兵司管理命盜  
鬥毆賭博案件其戶司管理戶口田土案件與綏遠  
城左右司同其操演營則專管春秋二季操演兵丁  
該三處遇有事務仍呈請副都統辦理不得專擅



土默特志政典考卷七

理藩院則例所載五十三門其諸蒙旗之所當法而戒者條列綦詳大抵各旗所同不容區別而其中亦有專條焉吾於土默特得如干錄之志中爲則例一門其百數十旗公共之典簡帙繁重仍宜攷諸藩部云爾

額設叅領等官

歸化城土默特兩翼左翼六甲設叅領六員佐領三十員前鋒校十員驍騎校三十員右翼六甲設叅領六員佐領三十員前鋒校十員驍騎校三十員外設防守南海子官渡防禦一員驍騎校一員防守湖灘

和碩官渡防禦一員驍騎校一員八品筆帖式三員  
九品筆帖式四員以上官員設副都統一員管理隸  
綏遠城將軍統轄

補放叅領以下名官

歸化城土默特兩翼額設叅領佐領防禦前鋒校驍  
騎校等官遇有缺出由綏遠城將軍揀定正陪送院  
帶領引

見補放如佐領中有世襲者卽照襲職例辦理其餘仍照  
例辦理至筆帖式由該將軍考取列名備文報院由  
院轉咨吏部核准補授

歸綏道衙門設立帖寫

歸綏道衙門設立繕寫滿洲蒙古文字人二名由土默特學生內挑選應給飯食銀兩該道員自行捐給五年無過該道員出具考語呈報該將軍遇有應陞缺出分別錄用

歸化城同知等衙門各設帖寫

歸化城同知衙門內設立繕寫滿洲蒙古文字人二名綏遠城和林格爾等廳衙門內各設繕寫滿洲蒙古文字人一名均由歸化城土默特學生內挑選五年無過出具考語呈報該將軍遇有應陞之缺分別

錄用每年每名各給飯食銀六兩由綏遠城房租項  
下支給報銷

禁止民人折算典當蒙古地畝

一種地民人不准以所種蒙古地畝折算蒙古賒欠  
借貸銀錢違者各照違制例治罪其定例以前已  
經折算之地統限三年以所得三年地租清還利  
息清結後停利再分限五年以所得五年地租清  
本銀儻地租不敷折算准其按年遞展以本利清  
給爲斷地歸蒙古歸地後該民人情願接種仍令  
按年按畝納租不願接種聽該蒙古自便永遠禁

止折算

一蒙古地畝不得典給種地民人違者各照違制例治罪其定例以前已經出典之地如蒙古備價回贖該民人立即交出儻有勒措情事將民人遞籍贖地原價交旗充公地歸蒙古如蒙古一時無力回贖該民人典種已過三年者准其再種四年已過五年者准其再種三年已過十年者准其再種二年抵銷地價地歸蒙古歸地後該民人情願承種仍令按年按畝納租不願承種聽該蒙古自便永遠禁止出典

一種地民人不得重價轉典民人舊典蒙古地畝違者追出地價充公地歸蒙古民人遞回原籍其定例以前已經轉典之地不計種過年分准其再種五年抵銷地價歸蒙古免其私典旗地之罪歸地後該民人情願承種仍令按年納租聽該蒙古自便永遠禁止重價轉典

一除界內種地民人交納租息之房屋地基外不得添蓋房間再招游民違者均照私墓開墾例治罪

一種地民人應交租糧均限年清年欸其偶遇拖欠一年者准分作二年帶還積欠二三年者准按分



作二年之限遞緩年分帶還如欠至三年以外逾  
限不完將地撤出歸還蒙古其租息嚴比著追清  
結後將該民人遞籍儻有抗霸等情加枷號兩個  
月滿日遞籍

奏定界址章程

一與茂明安兩旗界址自白衡果爾山所設封堆起  
迤東至大小兩臺資設封堆二轉東北至哈達圖  
河至南北二山山頂設封堆二迤北至烏蘭霍碩  
設封堆一又北至克抽鄂博所設封堆定爲茂明  
安達爾汗貝勒土默特三旗交界自克抽封堆西

北至副都統衙門徵租官房兩所設封堆二起迤西爲茂明安旗界迤東爲土默特旗界

一與達爾汗貝勒兩旗界址自克抽封堆起至向東北之山頂設封堆一迤東於哈拉圖溫都爾茂蓋圖庫謝齊洛薩查鄂博磨棟鄂博哈達瑪勒河源奔經圖哈拉鄂博霍拉保山托速圖山各設封堆以托速圖山定爲達爾汗貝勒土默特四子部落王三旗交界山迤北爲達爾汗貝勒旗界山迤南爲土默特旗界

一與四子部落王兩旗界址自托速圖山起向南至

東巴產封堆設封堆一自巴彥封堆向西南至土默特所屬之烏蘭察布六札薩克會盟處又至烏蘭察布泉源各設封堆其泉源封堆迤東爲四子邵落王旗界迤西爲土默特旗界

一與達爾汗貝勒兩旗以哈達瑪勒河源爲正中交界迤西至克抽封堆迤東至托速圖山設立碣石山之北爲達爾汗貝勒旗界山之南爲土默特旗界

一與茂明安兩旗塔界之德勒格爾共懃賽爾呼土克等處種耕居民於田地處所各設封堆分清兩

二  
三  
一  
旗地界東地租交土默特界西地租交茂明安  
一烏蘭呼土克烏蘭諾爾地方由達爾汗貝勒旗向  
設之卡倫二處改移設於該旗界內所遺空地於  
錫勒格圖呼圖克圖徒衆內派人二名撥給盤費  
在移設兩卡倫處駐劄防守賊盜

一與四子部落王達爾汗貝勒茂明安旗各交界處  
所原立封堆相隔稍遠者均加立封堆由各旗註  
檔備查

一與四子部落王達爾汗貝勒茂明安旗各交界所  
設碎石沙土封堆每年秋季由歸化城副都統行

文各旗派員定期修理一次呈報副都統備查

一與四子部落王達爾汗貝勒茂明安旗如有因事  
關交界報部者先呈報將軍副都統詳查轉報如  
有仍前徑行報部者嚴叅治罪

一與茂明安兩旗搭界處所已開地數住居民數飭  
由歸化廳與副都統衙門派出之員察核

一地畝除河之南渠之西不禁開墾外其沙拉哈達  
巴彥河迤北之地及沙拉圖迤東渠東之地均作  
爲游牧由將軍副都統會印劄飭土默特及各札  
薩克等永遠遵行

支用記檔銀兩

春秋二季操演兵每季三十日計兵一千名每名每日給盤費銀各五分共需銀三千兩於記檔項下支領每年春秋二季操演烏鎗並夜間點放炮位需用火藥三千五百四十觔需銀二百八十餘兩均由記檔項下支領

駝價生息備辦差務

駝五百隻每隻變價銀二十兩共銀一萬兩由歸綏道交當舖商民每兩每月生息一分按四季交副都統衙門備辦烏里雅蘇台科布多等處公務差遣及

迎送官兵驛站盤費等項之用

煤窰錢文分別支用

煤窰二十二座每年共徵錢千餘串不等所徵錢文內十分中三分作爲管理煤窰之官兵盤費外其餘支給遠方出差之官兵盤費二百串其每年年終賞給奮勉官兵五百串作爲三等獎賞其餘易銀存貯歸化城副都統衙門以備修理軍器之用

牧場地畝租息分給窮苦蒙古

開墾牧場地畝共計一千六百四頃五十一畝四分五釐每年共徵租銀二千八百四十七兩六釐所徵

二五牛元 卷十 十  
租銀賞給土默特之窮苦蒙古共計九百名每名核計三兩一錢六分三釐三毫其餘不及一分之三分六釐銀卽增給末名造冊報院核銷此內遇有逃亡者仍給伊家養贍家口無家口者另揀貧窮蒙古賞給其未經墾過之牧場永行嚴禁開墾

地租分賞鰥寡孤獨

撤出蒙古等名下地一百九十八頃六十八畝內開除水沖沙壓地畝外現實租給民人地一百九十三頃四十二畝每年徵租銀三百餘兩均賞給該處鰥寡孤獨作爲養贍之資



公費於稅務項下支領

歸化城商民輻輳之處所有煙油酒三項及皮張雜貨等物俱應歸入落地稅內照例徵稅其駝馬牛羊除進口外若繞道趨赴他省售賣者亦應一例徵稅至鐵器不許出口原恐改造軍裝器械若種地農具及平常日用器皿給票驗放母許守口官弁刁難勒索亦應照例徵稅各項牲畜每價銀一兩徵制錢八文向係土默特蒙古徵收作爲公費旣已歸入正項仍令土默特等照每年應用之數具領關支該監督隨時報部於任滿時造冊報銷

進

膳

恭遇

皇上由熱河前詣

盛京道經土默特札薩克達爾汗貝勒旗喀喇沁札薩

克貝子旗地方各進

膳一次該貝勒等先期報院代奏奉

旨後遵行

殺虎口驛站

節要

殺虎口漢站額設馬四十匹每匹日支草豆銀九分

零九毫每十匹准報一成倒斃每匹除扣皮臟銀五錢應給倒斃價銀七兩五錢每年應領價銀六十兩按兩季支領每年於正七兩月赴山西藩庫支領到站發給其八十家二十家薩勒沁歸化城蒙古四站額設喂馬及准報之例皆與殺虎口同惟草豆銀八分三釐二毫有奇小異外草臺馬五十匹不支馬乾其例斃價銀由稅務監督支領章京一員坤都一員兵丁五十名前四站並杜爾格一站皆同均用土獸特旗下人惟杜爾格站只草臺馬外棟素海吉克蘇巴彥布拉阿魯烏爾圖巴爾素海察罕札達該六站

皆同杜爾格均用鄂爾多斯旗下人

大青山後移駐卡倫

大青山後一帶察罕庫圖勒卡倫原設官一員兵十五名於呼雅克圖地方舊設滿洲官一員兵十五名並土默特官二員兵三十名內撤出土默特官一員兵十五名移於察罕庫圖勒及鞞滾特克二處與滿洲官一員兵十五名按月輪替分駐會哨巡緝於巴彥布拉克原設之滿洲官一員兵十五名土默特官一員兵十五名移於特爾默土地方駐劄於察罕庫圖勒迤西土默特與茂明安烏拉特接壤處所之克

力溝地方添設卡倫一處由各該旗出派官一員兵  
十名駐劄巡緝如山後遇有呈報失事責成卡倫官  
兵各按分定界址封堆追蹤嚴緝但有推諉卽子叅  
辦其鄉村散放牛馬遇有搶刦無論蒙古民人責成  
歸化廳督率里長保正與出派官兵一律緝拏限滿  
無獲照例開叅其集錦商民捐蓋房間原爲官兵而  
設卽由官爲經理不得招致流民其附近西喀圖呼  
圖徒衆錯雜駐劄之卡倫兵丁有無窩盜爲匪情事  
由該佐領驍騎校稽查管束該卡倫官兵盤費銀兩  
由土默特庫存駝價生息修理軍器兩項銀兩項下

二  
冊  
牛  
三  
卷  
一  
撥出銀九千兩交歸綏道發商生息支給其添設克  
力溝卡倫官兵由出派之該旗管轄卡倫官兵盤費  
銀兩於修理軍器生息項下減半支給一年各支用  
若干均由該將軍入於記檔銀兩冊內年終報院

蒙古罪犯就近會審

歸化城各同知通判承辦蒙古與蒙古交涉命盜等  
案由該同知通判處驗訊通詳呈請綏遠城將軍就  
近與土默特之叅領等官會審起限由將軍處咨院  
具奏完結蒙古與民人交涉命盜等案亦呈請該將  
軍就近與土默特叅領等官會審起限由山西巡撫

咨會具奏完結於各扎薩克等旗分行取會審官員之處永行停止結案後將審擬之處由歸綏道衙門行知該扎薩克

世職兼叅佐領私罪降級分別折罰俸銀牲畜

世職官員兼管叅佐領官若因私罪降級調用者照兵部例載職任兼世職罰俸例辦理其無俸土默特官員應罰俸銀之處照例折罰牲畜

地方承緝定限

地方人命盜劫案內脫逃蒙古人犯該同知通判詳報後由該副都統委派土默特官員承緝自派出之

日起命盜案犯初次勒限六個月逾限不獲將承緝不力之員記過一次展限一年緝捕二次逾限不獲將承緝不力之員一年之內應陞之處停其開列再限一年緝捕三次逾限不獲將承緝不力之員罰五牲畜承緝偷竊等項案內脫逃人犯初次勒限六個月逾限不獲將承緝不力之員記過一次展限一年緝捕二次逾限不獲將承緝不力之員一年之內應陞之處停其開列仍報部註冊其未獲人犯通行緝捕如一年之內將原案人犯全行緝獲其停陞之處准予開復應陞之缺照常列名其續派接緝之員逾



限不獲亦記過一次

地方各案脫逃蒙古人犯其不知旗分佐領者只行派員承緝如知其旗分佐領實係土默特人犯卽責成該佐領照承緝之例勒限緝捕逾限不獲亦分別記過停陞既經處分之後能將原緝人犯全行緝獲者報院開復免其停陞於應陞之處照常開列如知該犯係別旗之人一面派員緝捕仍行令該札薩克嚴拏治罪如人犯在該旗地方藏匿不行縛送經歸化城官員訪獲或被他人首出罰該旗札薩克一九牲畜獎賞緝獲出力之人如非別旗人犯捏報別旗

二  
四  
牛  
三  
一  
者俟拏獲人犯審明後將捏報之員照窩隱盜賊例  
議處

官員承緝各案蒙古逃犯逾限不獲應罰牲畜逐案  
各限一年交出將所罰牲畜存公以備獎賞急公效  
力之人該員等雖經處分如能將原案人犯全行緝  
獲者其記過之案准其查銷未納牲畜免其交納

承緝蒙古逃犯之員初次限內將盜犯全行緝獲者  
准其記錄三次如緝獲他人承緝之犯准其加一級  
命案人犯全行緝獲者准其記錄二次如緝獲他人  
承緝之犯准其記錄三次劫竊等案人犯全行緝獲

者准其紀錄一次如緝獲他人承緝之犯准其紀錄  
二次並一次酌給牲畜以爲獎賞如遇應罰五牲畜  
之案一案准其以紀錄一次抵銷四案准其以加一  
級抵銷一切陞遷准計加級紀錄辦理

內札薩克喀爾喀等處移覆旗下咨文定限

地方之命盜案內有關提內外札薩克等旗之人犯  
及咨查事故並特令緝拏者喀爾喀四部落定限六  
個月內札薩克各旗定限四個月該札薩克等如逾  
限推諉不將人犯解送不卽查覆案情遷延時日者  
由承辦官申報該上司卽行指名叅奏報院分別議

處

各旗章京驍騎校等官捐輸駝馬議給級紀加銜  
翎枝

內外札薩克各旗管旗章京副章京叅領佐領驍騎  
校土默特兩翼察哈爾八旗熱河之額魯特等處叅  
領佐領驍騎校前鋒校護軍校等官捐輸駝馬八匹  
者給予紀錄一次捐至十六匹者給予紀錄二次捐  
至二十四匹者給予紀錄三次捐至三十二匹者給  
予加一級捐至六十四匹者給予加二級捐至九十  
六匹者紀子加三級捐至一百二十八匹者給予加

四級捐至一百六十匹者給予加五級止捐至二百匹以上者比照王公台吉捐輸章程擬給加銜陞銜翎枝捐不及八匹者概不給予議敘

--	--	--	--	--	--	--	--	--	--

土默特旗志卷八

食貨

其產五穀略備苳麥卽油麥青稞者曰青苳麥民食所重  
又有小麥其味佳種者猶鮮次胡麻次糜又有菱子卽內地  
梁也糜爲饘粥比戶啖之菱子以飼畜爲粢者糞人耳  
黍稷間植焉豆種頗多黃黑紫綠扁踴蜂蓮悉以佐穀及  
煙葉辣芄之類資於人者亦閒播其種

其瓜則西東南王果則桃杏李蘋海棠賓恆多有之惟瑣  
瑣葡萄爲茲土佳品載一統志中

其植松栢間生桑椿尤甚榆柳樺楊水隈山曲稍煖處叢

焉而楊柳之繁如腹郡

其藥則黨參黃耆甘草之類產此者良大黃枸杞芍藥亦隨在而生

其獸狼獾狐虎豹鹿及黃羊青羊之類向多獵者近少材武之人矣

其禽家則鴨鵝之類野則雉鸕沙鵝之屬若鷓鴣青莊則他境所少土之產也

其畜惟牛羊馬爲最夥驢羸其餘也同馬市皮革不能自鞣絨毛不能自組亦惟與骨角類俱於南賈而已

其魚維鯉出自黃繞流網羅之法土人罕習之故得者率



盈尺尙合古人不竭澤不數罟之意

其服惟繭綢來自山左登萊等郡大布夏葛之類亦購自客商客民嬾工不勤紡績故也

其薪樵之山及牧地曠土煤炭山谷多可採有大炭暨藍炭之分境內大青山哈莫爾阿利莫圖喀喇烏克爾圖四溝皆有稅額歸本旗公費以外若五當溝巴圖溝萬家溝黑牛溝俱產煤而不旺亦未盡礦法之長

### 風俗

風氣剛勁狃習勞苦不見紛華異物而遷故家給人足戒備整完

遼史

朔漠以畜牧射獵為業生生之資於是乎出 遼史

俗無室廬隨水草以居遷徙不常 金史

塞外蒙古羶帳房最佳風不能動日不能透寒不能入 奉使

日記

貴者褥被皆以皮為之或貂或狐羊從便 同上

一地而租地戶自相爭奪先放後逐蒙漢激為事端 鍾道

秀稟稿

土部附近邊內其飲食起居竟與內地民人無異漸至惰

窳成性有地而不習耕耘無畜而難為孳牧 晉撫張之洞奏

蒙人生子有盡剪髮者留顛門髮一撮者名曰馬髮十二

歲到奶奶廟以驢還愿或雜以草後留髮辮日十二和尙  
都叅領志畧

男十五以上比丁之年父兄爲加官帽以桿五尺量其身  
是謂成丁乃編入戶籍充當旂差

女十五以上戴笄卽滿洲大簪也 同上

居喪過三週年招延戚儔 志草

蒙性懶惰踏常習故更而張之必啟其疑 籌邊舉要

蒙古游牧爲生初多肉食近以漢民北耕亦甘食五穀然  
仍不習農業 同上

疾病灾祲多延喇嘛以修禳之出佈施錢以供香火盈千

累萬不惜 同上

蒙古相見向以哈達定婚用幣帛儀謂之哈達喜其初似  
絹尙繡佛像頗雅觀至今已太薄無所用

婚嫁帖套盛裝銀器 志略

生長少朔漠本有樸厚勇猛之氣 綏遠奏稿

俗兼旂漢教雜洋回 晉書岑疏

蒙民困窮日甚一日種族零落廬帳蕭條台吉而上才足  
自存兵丁之屬衣食多缺 同上

開墾之地設官編戶耕佃樂業蒙漢永安 同上

外近繁華內實勤儉蓋寄居多關南晉北人猶有唐魏之

遺風焉 名廳志略

蒙古民族接見先問家畜之安否後及家人之安否及臨去告辭離席而出帳幕主人送于數步外示尊敬之意此惟官吏高僧常受此特禮 五原廳志禮儀下同

途中遇人各出所携之鼻煙相供以是為禮

見貴人始則跪於其前自述口儀甚表尊敬之意及其既

久言語粗鄙呼笑自若如無人在其前者 五原廳志略習氣下同

喪無棺槨之備以火化之或以氊毯裹其屍棄之原野謂

以屍體食禽獸為種善根其敝俗至

上元前後三日各家聚石炭於門首累作幢塔狀然之通

明竟夜名曰旺火除夕至元旦庭院亦各蒸炭取其明也  
中秋節夕陳瓜果於庭拜月以西瓜茄菜雕鏤作燈燃以  
紅燭

五原廳志歲時二節

土默特旗志卷九

職官

土默特官秩之多幾倍於滿城將軍所屬才六十員耳土  
叅領而下至百六十餘員優禮外藩傳龜襲紫任及子孫  
初離襁褓遂珥貂璫

眷何隆也稽夫協領有兼官佐領有世管且上公之後仍  
上公台吉之後皆台吉承廕諸職且與

國爲休焉是烏可以不紀至若某官某民舊籍不可得聞  
姑取當今氏譜書而著之亦猶涑水諫碑之意爲之題名  
俾見指者知所法戒焉爲考如左而列表其下

職官考

左右翼長二人

叅領十人

佐領四十八人

驍騎校六十人

兵丁五千名

前鋒二百名 領催三百六十名 披甲四千四百四十名

弁兵無俸餉馬皆自備均給田有差每兵一名種地一

項官弁遞增每春秋二季派撥兵一千名操演為操

營每名月給銀一兩五錢由土默特庫支發

叅領十二員每叅領管五佐領各頒給關防一顆以上

各官由該旗蒙古內挑選咨送理藩院帶領引見

遇有處分案件折罰牲畜



印房寓戶司東北隅

詳公署

其管理人員係由叅領內派

委一人總理督同兩班章京辦理承發事件

又有兵司戶司操演營三處各設翼長一員頒給關防

由十二叅領內挑選咨報理藩院其兵司管理命盜

鬥毆賭博案件其戶司管理戶口田土案件與綏遠

城左右司同其操演營則專管春秋二季操演兵丁

該三處遇有事務仍呈請副都統辦理不得專擅

二  
平  
牛  
三  
六

夕  
夕  
夕

二  
一

職官表一

左翼

叅領十二  
缺  
首  
甲松阿哩

二  
甲達恒泰

署理戶司  
關防管理  
戶口田土  
案件

佐領六十  
缺

中公賀色畚

兼叅領

驍騎校  
缺

札勒恒泰

世管納遜

補音泰

中公森額

阿哩貢

中公蘇克精額

兼叅領

蘇通阿

中公達恒阿

福承

中公巴彥爾

瑞恒

中公德波珂

兆納蘇圖

中公倭科珂

兼叅領

謙津蘇隆

三甲阿靈阿

署理兵司  
關防管理

命盜關毆  
賭博案件  
中公  
阿靈阿

兼參領

札什巴勒

阿勒騰鄂齊爾

鄂齊爾

圖敏額

常明

圖敏泰

補音德勒格爾

音德賀

世管  
阿木格

世管  
補隆巴雅爾

世管  
巖圖達賴

中公  
阿靈阿

中公  
圖孟鄂齊爾

世管  
珠隆阿

勳舊  
塔沁阿

世管  
圖森阿

勳舊  
察爾斯布

世管  
德克津佈

甲四倭什珂

領內挑選  
關防由參  
一名頒給  
各設翼長

中公  
圖孟鄂齊爾

世管  
珠隆阿

勳舊  
塔沁阿

世管  
圖森阿

勳舊  
察爾斯布

世管  
德克津佈

五蘇克精額

六若憲

中公若憲

兼參領

多倫武

中公德勝

富珠哩

世管金善

穆精阿

世管齊哩克泰

額覽哩貢達賴

中公伊精阿

兼參領

景文

世管泰順

瑞春

世管巴圖納遜

阿克都善

中公納木吉勒

阿木格

中公錫齡

錫拉捧阿

中公德音泰

色爾古隆

右翼

首哈芬阿

二賀色春

中公松阿哩

兼參領

阿木格林沁

世管額勒德珂

額勒德珂

中公阿哩雅

額勒德庫

世管國安

雙明

世管經濟

錫齡阿

中公達恒泰

兼參領

烏爾圖納遜

中公吉祥

納遜

世管舒敏泰

滿篤戶

中公納爾洪阿

慶春

中公哈芬阿

兼參領

國勒芬阿

		甲三 德隆額		甲四 蘇聯春	
管世	管世	管世	管世	管世	管世
福隆阿	托克托佈	烏雲珠	中國仁阿	蘇聯春	都楞
				兼參領	
格汝第	阿堯爾贊	特吉斯巴彥爾	德克津	納木吉勒瑪	納遜習第
				珠隆阿	巴音朝克圖
				納斯洪阿	圖伽佈

甲五 伊精額

甲六 都格爾札布

中公 胡圖哩

中公 和紳泰

中公 都格爾札布

世管 崇林

中公 吉忠額

中公 喜蒙額

中公 諾蒙格勒

世管 塔齊佈

世管 蘇通阿

中公 德隆額

兼參領

兼參領

依習丹贈

賽沙佈

特吉斯納圖

崇林

哲克敦額

噶勒斌阿

札拉芬

豐紳

富林

明順



管子  
卷之六

世管  
察都爾魯  
世管  
音德賀

額勒德孟圖  
托  
津

上馬車志

卷九

六


職官表二

<p>世襲輔國公</p>	<p><small>騎都尉</small>員</p>	<p><small>軍</small>輶別鋒校</p>	<p>渡口</p>	<p><small>防禦</small>筆帖式</p>	<p>廕監</p>
<p>現未承襲</p>	<p>賽濟札佈</p>	<p>溫德遜</p>	<p>倭仁泰</p>	<p><small>八品</small>補音泰</p>	<p>額爾更達賴</p>
<p>塔齊佈德</p>	<p>寶發福哩</p>	<p>穆精阿</p>	<p><small>外二員</small>現未承襲</p>		
<p>達 賴補隆巴爾雅</p>	<p><small>防禦</small>二名</p>	<p>色囉佈</p>			
<p>恩克吉爾格勒太</p>	<p>平阿林泰</p>	<p><small>九品</small>札克森阿</p>			
<p>巴音朝克圖圖</p>	<p>孟豐紳額</p>	<p>錫林泰</p>			
<p>烏索尼喀依哩佈</p>	<p><small>驍騎校</small>二名</p>	<p>阿昌阿</p>			
<p>圖孟格喀勒舒敏泰</p>			<p>音德本</p>		
<p>富 林常喜</p>					

賽沙楚喀金善

外四員現都楞山

未承襲胡陞

穆精阿

塔清阿都

林寶

圖敏

烏爾滾

經濟

國安

福 富

坦 興

	二
	三
	四
	五
	六
	七
	八
	九
	十

土默特旗志卷十

人物

開國之傑如阿爾坦格根汗如博碩克圖如喇嘛札布如古祿格託博克杭高三公元勳偉略卓然可傳已入源流世系篇不復殫述此外從征勁旅委骨沙場皆有助於聖代龍興之運國殤芭舞祀典攸光降及後世氏族蕃昌豈無人焉出乎其中祇以二百年來

朝野雍熙鮮所表著又乏中國文字爲之紀述其埋沈於冰崖雪積黃沙白草之中者不知凡幾矣自咸豐軍興而後此間將上得再效其長纓馬革之思營冊部檔間著名

籍忠魂毅魄之雄天地山川不能容其磨滅焉緣錄忠節一篇而以佗類附於後

忠節

立功將領

頭品頂戴 記名副都統圖爾格齊巴圖魯左翼叅領兼右翼公中佐領烏爾圖納遜由前鋒於咸豐五年選補右翼驍騎校六年二月奉派前往山東曹單一帶防剿管帶馬隊官兵臨敵驍勇屢獲全勝攻破雉河集等處身受頭等傷一處 賞給五品頂戴於八月在亳州十八里鋪地方接仗擒斬逆酋奪獲軍械無算奉 旨賞戴藍翎於七



年二月攻奪烏龍集進鞦楊家集獲勝並立解固始縣城  
圍八月克復正陽關霍邱縣等處案內奉 旨以防禦前  
用九月奉札飭管帶土默特等處馬隊官兵前往獨山聽  
候調遣是月某日合力進攻立解固始縣圍奉 旨以佐  
領卽補並 賞換花翎於八年三月奉撤歸伍是年十一  
月補授右翼中公佐領九年奉調派委營總帶領土默特  
馬隊官兵馳抵天津海口大梁子張家灣通州八里橋等  
處與暎兵接仗殺傷甚夥身受二等傷二處是年十月又  
隨同 欽差大臣僧親王行抵直隸河間府等處防鞦十  
二月河南歸德府之戰奪勇爭先斬殺無算奉 旨以叅

領卽補並 賞圖爾格齊巴圖魯勇號同治元年七月因  
擒匪大股竄入魚台一帶地方我軍奮勇衝殺殲除殆盡  
案內出力 賞加副都統銜二年二月因拏獲擒首多名  
欽差大臣僧親王保 奏 賞加頭品頂戴是年補  
授叅領四年五月奉 旨前往江南聽候 欽差大臣兩  
江督部曾公差遣七年七月補行引 見奉 旨著回任  
是年十二月徇匪竄出鄂爾多斯旗游牧地撲犯河干經  
綏遠城將軍定安 奏派統帶吉林黑龍江馬隊渡河進  
剿八年正月因在杭錦旗一帶屢戰先捷奉 旨交部從  
優議敘嗣經兵部 奏議給三等牌一面又加給五等牌

一面是年三月間因股匪竄擾後套糧金一帶地方奉  
旨著督率所部前赴纏金一帶獨也勒辦於是月間在烏  
拉特旗合木爾和碩及阿拉善旗紅柳溝等處賊匪次第  
殲除奉 旨著以副都統記名簡放二十年舊傷復發兼  
之積勞成疾以參領終

歸化城叅領烏爾貢札布前於咸豐三年帶管土默特馬  
步隊蒙兵一千五百名前往直隸山東江南各省勦辦捻  
匪屢著戰功奪獲名城歷經各大臣保 奏得授頭品頂  
戴記名副都統並 賞戴花翎給予伊克斯巴圖魯勇號  
因在營久積勞病故

陣亡弁兵

順治三年土默特官兵一千五百名隨親王多鐸擊喀爾喀土謝圖汗及車臣汗於札濟布拉克地方是役也陣亡驍騎校烏素珠拉等三員兵一百六十七名

六年土默特官兵五百餘員名隨英親王阿濟格討叛鎮姜壤於大同是役也死事多名

康熙十三年土默特官兵一千餘員名奉調入邊會剿陝西叛鎮王輔臣是役也陣亡佐領驍騎校等官四員兵九十七名

十四年土默特官兵七百餘員名剿叛賊朱龍於花馬池

是役也陣亡兵十八名

三十五年隨西路大將軍費揚古進擊噶勒登是役也戰歿官五員兵二百三十餘名

五十九年土默特官兵一千餘員名隨振武將軍爾丹阿力台進剿策妄拉布坦於格爾額爾克地方陣亡兵四十餘名

雍正九年土默特官兵一千餘員名赴涼州會西路軍於八里坤隨西路大將軍岳鍾琪擊烏魯木齊大敗之追至額爾穆河而還是役也陣歿病故官四員兵四十餘名是年十月奉

二黑牛元 卷十  
上諭土默特將弁兵丁連年從征甚屬勤勞已命頒帑賞賚  
向在阿勒台軍營効力十有餘年今復至八里坤懋著勞  
績朕甚嘉之等因欽此

十年副將軍常賚等率兵三千餘赴哈密援剿是役也陣  
亡兵七十餘名

乾隆五年土默特官兵二千五百餘員名奉調前往烏松  
珠拉地方征剿叛逆是役也陣歿世管佐領鄂慶等四員  
兵一百八十餘名

二十年土默特官兵一千餘名隨北路大軍剿辦達瓦齊  
於伊犁是役也驍騎校色登等二員死之兵亡七十餘名

二十一年復隨承恩公明瑞赴八里坤徒厄魯特部眾於阿勒台是役也歿於軍者佐領阿爾賓一員驍騎校阿爾哈達等二員兵一十七名

自咸豐三年起至同治年間陸續戰死傷故官兵

土默特佐領委叅領管帶土默特馬步隊六十七於咸豐十年在於江皖豫山東等省疊著戰功歷保至二品花翎卽補叅領因軍營受傷行至山西省城沒陣亡兵一百二十餘名

咸豐六年土默特世管佐領沙津滿達勒在山東臨清州一帶勦匪屢立戰功冠縣之役將捷矣窮追遇敵死之是

役也陣亡蒙兵二百餘名

咸豐十年公中佐領額林佈在山東魚台縣剿匪死之又  
公中佐領森蓋押護糧台在山東濟南府戰沒並陣亡蒙  
兵七十餘名又叅領阿克敦在於安徽壽州力戰受創後  
沒於軍中

又佐領溫讀遜在山東曹州府與賊決死戰受創畢命

叅領福隆阿在湖北麻城縣力戰歿於行間

驍騎校齊蜜特多爾濟在於安徽亳州等處血戰沒於陣

驍騎校音登額在應州府六十里鋪赴敵死

前鋒校圖孟吉爾圪勒在河南方家集死之



義行

右翼三甲蒙古披甲鄂勒吉圖於雍正年間調往伊犁哈密等處剿匪及青滾咱卜善後於雍正十三年奉撤入關生大習爾麻大習爾麻生巴圖吉爾格勒一以拯難卹貧爲事生業寢落生桃爾戶桃爾戶生贊佈父子且備且樵以養其親雖家貧如洗終其父之身無所苦楚厥後以勤約稍集家資購田勸穡桃爾戶亦以積善繼其先志久施方藥活人最夥同治年卒年八十又五贊佈復能繼之光緒年七十八歲物故贊佈三子長阿恩格次札穆森三塔秉泰一善相傳鄉閭稱之札穆森長子都格爾札布歷官

叅領弟兄三人有子十二叅領子音德賀左翼驍騎校

烈婦

右翼九品筆帖式噶爾孟光緒十八年病歿無子妻雲納氏年三十二歲痛夫憐切誓不獨生九日不食親故慰之默然既卒同日窆

節婦

叅領德力克札瓦之母道光中夫故年才十九父兄憐其少也欲嫁之不可強言之悲不自勝曰所以不從夫於地下者徒以此子在耳幸勉以大義不使他日無面目以入黃泉足矣勿復出此言由是壹意撫孤令先讀漢文經籍後習滿蒙文字入司習公務游歷驍騎校公中佐領母年

七十餘矣二十五年由都統詳請 旌表並給匾額於根保爾什村建坊

右翼世管佐領索納穆多爾濟道光十二年病沒妻烏梁漢氏年二十六有遺腹產男沙津滿達勒氏撫之成立襲職佐領氏爲求良師教之學以孝聞生二子曰塔齊佈曰倭世佈咸豐八年沙津滿達勒奉調出師委營總管帶土默特馬步隊一千五百餘往山東臨清州一帶討賊六年之久身經數十戰同治二年至冠縣剿捻已獲全勝以孤軍尾賊失大隊賊笑至圍數重戰沒於陣見忠烈傳妻雲巴氏時年二十九仰事孀姑俯畜孤幼後塔齊佈於同治

間襲職烏梁漢氏光緒九年故年八十一歲矣雲巴氏現年七十有三待旌塔齊佈以難磨應襲雲騎尉以旣襲佐領讓其弟政府不允始兼襲

右翼六甲蒙古達印世居包頭鎮早卒妻雲碩佈氏年方二十一歲以姪海寶爲嗣海寶娶妻雲巴氏生一子富興甫五齡雲巴氏故後數年海寶亦故雲碩佈氏撫育孤孫久之娶族女雲碩佈氏爲孫媳生子巴文峒後富興擢前鋒校孫媳旋沒又撫會孫巴文峒成立於光緒三十一年考取薩拉齊文生蒙童之入廳學自此始雲碩佈氏青年立節撫三世之孤家世鵠起其母德之可風者歟

二黑牛五  
右翼六甲塔爾巴巴圖特氏世居包頭鎮應收租役同治  
八年娶補爾吉特氏年二十九歲生子和代夫歿氏守節  
撫孤和代至十六歲娶婦巴武氏事姑至謹宗戚無閒言  
生子成成和代旋故巴武氏亦壹志從姑以死自誓有勸  
之他適者輒曰吾夫病劇時刺血和藥已拚吾命如鴻毛  
矣聲情激烈無復敢言者成成年十五娶雲碩佈氏越二  
年補爾吉特氏故年六十又四巴武氏痛姑致發舊疾亦  
故年四十九時光緒三十三年也姑媳雙節待 旌